

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Paasissutissiissutit

- Imm. 04** Kommunini inissiaateqarneq pillugu Inatsisartut inatsissaannut tusarniutaasumut akissuteqaat pillugu paasissutissiissut.
- Imm. 05** 2011-mi qaammatit siulliit pingasunut Qeqqani Inuutissarsiornermut Siunner-suisoqatigiit suliarisimasaminnik nalunaarusiaat.
- Imm. 06** Kommunimi pilersaarummut tapiliut nr. 40 pillugu paasissutissiissut.
- Imm. 07** 2010-mut ukiumoortumik nalunaarusiaq iluarsisaq pillugu paasissutissiissut.
- Imm. 08** Sarfanguani Kiffartuussiviup oqoqarnera B-872-imullu nuukkallarneq pillugu immikkut aningaasaliissutit pillugit paasissutissiissut.
- Imm. 09** Qeqqata Kommuniani atuarfiit siuarsarneqarnissaat pillugu ilisimatitsissutip aappaa.
- Imm. 10** Qeqqata Kommuniani inuit sulisinnaasut piffissami Ukioq 2011-miit 2021-mut utoqqalinersiaqalersussat pillugit nalunaarusiarineqarneri.

Aningaasaqarnermut tunngasut

- Imm. 11** Akiliisinnaajunnaarnermi FBS-imiit pissarsiat tunniunnissaat.
- Imm. 12** Qinnuteqaat immikkut aningaasaliiffigeqqulluni illoqarfik qimannagu perorsaa-sungorniarnermut, aallartittussanngorlugu september 2011-imi, Sisimiuni.
- Imm. 13** Sanaartornermi naatsorsuutit pingasut, Maniitsoq.
- Imm. 14** Sisimiuni sanaartornermi naatsorsuutit marluk.
- Imm. 15** Kommunip nersornaasiisarnermi legateqartitsinerminilu aningaasaateqarfiisa 2009-mut 2010-mullu naatsorsuutai.

Suliassat nalinginnaasut

- Imm. 16** Karseqarnermut naatsorsuuserinermullu malittarisassanut ilanngussassaq.
- Imm. 17** Kommunip pilersaaruseriorneqarnera – 2011-mi pingaarnertut aaqqissuunnera
- Imm. 18** Assartuussineq pillugu isumalioqatigiissitap isumaliutissiissutai.
- Imm. 19** KANUKOKA-mi aallartitassanik nutaanik toqqaanissaq.
- Imm. 20** Kommunalbestyrelsimiit tunuarniuteqarneq.
- Imm. 21** Ataatsimiititaliami ilaasortassamik nutaamik sinniisussaanillu toqqaaneq.
- Imm. 22** Oqaluuserisassatut siunnersuut – Qeqqata Kommuniani atuarfinni tamani mamakujuttut sodavandillu eqqunnissaasa inerteqqutaalernissaat
- Imm. 23** Tamalaat.



Ataatsimiinneq videokonferenci atorlugu ingerlanneqarpoq, aallartillunilu nal. 8:30

Peqataasut:

Atassut

Godmand Rasmussen, Sisimiut – Karl Davidsen (S) taarserlugu
Søren Alaufesen, Sisimiut
Bitten Heilmann, Maniitsoq

Inuit Ataqatigiit

Ane Marie Schmidt Hansen, Sisimiut
Anda Berthelsen, Sarfannguit
Olga Ljungdahl Berthelsen, Sisimiut
Katrine Larsen Lennert, Sisimiut
Beathe Poulsen, Atammik

Siumut

Hermann Berthelsen, Sisimiut
Jonas Poulsen, Maniitsoq – Karl Lyberth taarserlugu
Evelyn Frederiksen, Sisimiut
Alfred Olsen, Sisimiut
Efraim Olsen, Kangaamiut
Hans Frederik Olsen, Sisimiut
Morten Siegstad, Sisimiut

Nalunaaruteqarlutik peqataannngitsut:

Karl Davidsen (S)
Karl Lyberth (S)

Imm. 01 Oqaluuserisassat akuersissutigineri

Aalajangiineq

Tamalaani,

Godmand Rasmussen, kommunip allaffiani ullut tamaasa aappalaartup ikkunneqartarnissaa.

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Borgmesterip nalunaarutaa oqaaserineqartut ilanngullugit paasissutissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Ataatsimiititaliani siulittaasut nalunaarutaat oqaaserineqartut ilanngullugit paasissutissatut tiguneqarput.

Imm. 04 Kommunini inissiaateqarneq pillugu Inatsisartut inatsissaannut tusarniutaasumut akissuteqaat pillugu paasissutissiisut

Journalnr.

Tunuliaqutaq

KANUKOKA apriliip 1-ani 2011-mi mail-ikkut kommuni qinnuigivaa, Inatsisartut inatsissaannut tusarniutaasumut saqqummiunneqannginnerani akissuteqaqqullugu. Akissuteqarnissamullu piffissarititaasoq apriliip 28-anut 2011-mut killiliiffigineqarluni.

Tusarniuteqarnermi atortussatut nassiuunneqarsimasunit takuneqarsinnaavoq, kommunini inissiaatileqatigiiffiit pillugit Naalakkersuisut nutaamik Inatsisartut inatsisiliornissaat kissaatigigaat.

Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

Inatsisartut 1993-imi inissiaatileqatigiiffiit pillugit Namminersorlutik Oqartussat inissiaataanik aqutsinermi inatsisissaq akuersissutigivaat.

Tamatumunnga pissutaasut ilagivaat, inissiaatit attartortittakkat aserfallatsaalineqannginnermikkut aserfallakkiartornerujussui, naak Nunap karsianiit annertoorujussuarmik ukiumoortumik tapiissuteqartoqartaraluaq. Peqatigitillugulu ineqarnermut akiitsut annaasaqaataanngatsiartarlutik.

A/S Inissiaatileqatigiiffik INI pilersinneqarpoq. Peqatigitillugulu kommunit inissiaatit aqutsinikkut INI-mut isumagisassanngortissinnaagaat neqeroorfigineqarlutik, taamanikkullu kommunit 18-iusunit amerlasuut tamanna atorluarlugu. 1995-imiilli INI-p Namminersorlutik Oqartussat kommunillu amerlanersaasa inissiaataat attartortittakkat aqutsinikkut isumagisarivai.

Inatsisartut isumaqarput, INI-p pilersinneqarnerata malitsigisaanik inatsisit akuersissutaasimasut, ilaatigut inissianik attartortarnermi il.il. Peqqussut, arlalitsigut iluaqutaasimapput, soorlu ullumikkut inissanik agguaassisarneq utaqquisut allattorsimaffiat tunngavigalugu ingerlanneqartarlutik, sulisut amerlanngitsuinnaat inissianik aqutsinikkut agguaassisarlutik, taamatullu aamma inissianik attartottakkanik aserfallatsaaliinikkut aningaasarparujussuit atorneqartalersimallutik.

INI-p piginneqatigiiffittut aqqitaanerata iluaqutissartaasa ilagisimavaat, piginneqatigiinnikkut inatsisikkut ukiumoortumillu naatsorsorinermut inatsisikkut suliffeqarfimmik ingerlatsinikkut ersarissunik malittarisassaqaqarnera.

Naalakkersuisullu isumaqarput, kommunit inissiaatileqatigiinnikkut periarfissaat nukittorsarneqartariaqartut. Kommuninut pisinnaatitsinikkut piginneqatigiiffinnut killissarititaasut annertusartariaqarput, tamatumuuna suliassat arlaqarnerusut eqqarsaatigalugit, peqatigitillugulu kommunit iluminni ataatsimoorlutik inissiaatiminnik aqutsinikkut isumaqatigiissuteqarsinnaaneri periarfissiuunneqassallutik.

Kommunini inissiaatileqatigiiffeqarnissamik siunnersuutip kingunerissavaa, Namminersorlutik Oqartussat kommunillu ullumikkutuulli assigiimmik inissiaatit atorsinnaassamatigut, pisariaqartitsinertilluunniit naapertorlugu aqqisiinnaassallutik.

Siunnersuummi annertuumik sunniuteqartussatut taaneqarsinnaapput, tamatumuuna ammaanpeqasammata

- aningaasaliissuteqarnerup ilaa tamakkerlugilluunniit pisortaniit soqutiginnittunut nuunneqarsinnaassammata, tassa sanaartukkanut najugaqartussanuusinnaalluni. Ullumikkut pisortat inissiaataat attartortittakkat Namminersorlutik Oqartussanit kommuniniillu aningaasaliiffiusarput, imaluunniit taakku ataatsimoorlutik,
- kommunit inissiaatileqatigiiffimmik pilersitsisinnalissapput, tassa Kalaallit Nunaanni inissiani illuutinillu sanaartornerinik, piginnittuunermik, aqutsinermik attartortitsinermillu isumaginnittussamik, kiisalu
- kommunit inissiaatileqatigiiffiutaat namminneq aningaasaliissuteqarnissami attartorsinnaalissapput, taamaalilluni piffissaq alimasinnerusoq isigalugu pisortanit inissialiortitsinikkut attartortitakkat annikillisinneqarsinnaassallutik. Tamatuma kingunerissavaa, aningaasaliissuteqartuusarneq piffissaq alimasinnerusoq isigalugu pisortaniit ilaannakuusumik tamakkiisumilluunniit inissiaatileqatigiiffimmut nuunneqarsinnaalissalluni, taannalu allatigut aningaasaliissuteqarnissamik ujartuisinnaalluni, taakkulu inissiat attartornerini isertitatigut matususerneqartassalluni.

Inatsisissatut siunnersuutip isumagivaa, kommunit aqutsineq tigusinnaagaat, taavalu/imaluunniit inissianik illutinillu kommunip piginneqatigiiffiutaat piginnittunngorluni. "Illutillu allat" imatut paasineqassaaq suliffeqarfiit, allaffeqarfiit, atuarfiit, kommunip teknikkikkut sanaartugaatai il.il.

KANUKOKA tusarniaanermi atortussat pillugit oqaaseqaatissaqanngilaq.

Inatsisissatut siunnersuutip § 3, imm. 2-ani takuneqarsinnaavoq, "*Kommuni kommunip allap illuuteqarnermik ingerlatseqatigiiffiutaanut suliassat § 1, imm. 2 naapertorlugu isumagineqartussat pillugit isumaqatigiissuteqarsinnaavoq, taamatuttaaqkommunimi illuuteqarnermik ingerlatseqatigiiffik pisortat oqartussat allat suliffeqarfiillu allat pigisaannik aalaakkaasunik allaffissornikkut ingerlatsinermik suliassanik isumaqatigiinnittussatut tigusisinaavoq.*".

Inatsisissatut siunnersuutip § 3, imm. 2-anut oqaaseqaatini takuneqarsinnaalluni, tamatumuuna kommunit inissiaatileqatigiiffiutaat assersuutigalugu A/S Inissiaatileqatigiiffik INI-tulli ingerlatsisinnaassasoq siunertaalluni.

Oqaaseqaatinilu aamma oqaatigineqarluni, Nuup Kommuneata (massakkut Kommuneqarfik Sermersooq) 2006-imi ineqarnikkut piginneqatigiilluni aqutsiveqarfik "Iserit A/S" pilersinnikuugaa. Taamani pilersitsineq nakkutilliisoqarfimmiit akuerineqarpoq, tassa kommuninut pisinnaatitsissut naapertorlugu pilersitaasutut.

Naalackersuisullu kommunit inissiaatileqatigiiffinnik ingerlatsisinnaanerisa nukittorsarneqarnissaa matumuuna akuersaarpaat. Tamannalu inatsisissatut siunnersuutip kommunini allannittaag akuersisutaaneratigut pippat, tamanna kommunini inissiaatileqatigiiffiit INI-llu akornanni unammillernermut tunngasutigut sunniuteqangaatsiassaaq, qularutissaavallaanngitsumillu taassuma siunissami tunngaviusumik isummatigut najugaqarfinnik aqutsisutut atatiinnarnissaa annikillingaatsiassalluni.

Sisimiuni INI-p allaffissua ullumikkut 50-t missaannik atorfilittaqarpoq. Piginneqatigiiffik Kalaallit Nunaanni illoqarfinni tamangajanni allaffeqarfeqarpoq, tamatumanilu atorfilittat 140 misaaniillutik.

Inatsisartut inatsisissaat nutaassaq januaarip 1-ani 2012-miit atuutilersussatut naatsorsuutigineqarpoq.

Aningaasaqarnikkut allaffissornikkullu kingunerisinnaasai

Inatsisissatut siunnersuummut oqaaseqaatini kommunit inissiaatileqatigiiffiisa allatut aningaasaliisutissanik attartorsinnaatitaanissaat pingaartinneqarpoq, tassa sanaartukkat nutaat iluarsartuussinerillu tamakkiisumik ilaannakortumillu aningaasaliisuteqarfiginissaanni. Tamatuma aningaasaqarnikkut allaffissornikkullu Qeqqata Kommunianut qanoq kinguneqarsinnaanissaa massakut imaliinnarlugu oqaatiguminaatsorujussuuvoq, kommuninilu inissiaatileqatigiiffissanut inatsisissatut siunnersuutit assiliartaleruminaallutik.

Aallaffeqarfiup naliliinera

Allaffeqarfik immikkut inatsisissatut siunnersuut pillugu oqaaseqaatissaqanngilaq.
Allaffeqarfiup borgmesterimut akissutissatut siunnersuutigivaa

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. KANUKOKA-p apriliip 1-ani 2011-mi mailerutaa ilanngussartalik.
2. Borgmesterip 10.05.2011-mi akissutaa.

Imm. 05 2011-mi qaammatit siulliit pingasunut Qeqqani Inuutissarsiornermut Siunnersuisoqatigiit sularisimasaminnik nalunaarussiaat

Journalnr.01.07.10

Tunuliaqutaq

Qeqqata Kommuniata Qeqqanilu Inuutissarsiutitigut Siunnersuisoqatigiit isumaqatigiissutaat naaper-
torlugu, QIS qaammatit pingasukkaat naanerisigut killiffitsik pillugu nalunaarusiortartussaapput.

Maleruagassatigut tunngavissaq

Qeqqata Kommuniata Qeqqanilu Inuutissarsiornermut Siunnersuisoqatigiit kiffartuussinissamik
isumaqatigiissutaat, kommunalbestyrelsip februaarip 24-ni 2011-mi akuersissutigisaa.

Pissutsit atuuttut

**Qaammatit siulliit pingasut Qeqqani Inuutissarsiornermut Siunnersuisoqatigiit sularisima-
saminni nalunaarussiaat**

Januaari

Siunnersuinerit

Sisimiut 2

Maniitsoq 2

Sisimiuni Inuutissarsiutitigut ineriartortitsinerit

- Ataatsiminnerit arlallit februaarimilu innuttaasunik "Nammineq ineqarneq" pillugu ataatsi-
miititsineq
- Ingerlaavartumik DanFish-imik Polar Fish-ip nutaamik aqqissuunnissa pillugu attaveqateqar-
neq
- Inuutissarsiornermut pisortap soraannginnerani sulianik tunniussuineq
- Suliap ilangaatsiaa ACR-imik ataatsimeeqateqarnernut aqqissuussinernullu il.il. atorneqar-
tarpoq

Maniitsumi Inuutissarsiutitigut ineriartortitsineq

- Greenland Development, Alcoa pillugu suliassat killiffiisa misissuataarneri
- Ilinniartitsivissamik nutaanik aqqissuussineq/pilersitsineq
- Suleqatigiinnerit Arctic Business Networks aqutigalugu ineriartortinneri
- Illoqarfiup nutaartassaa pillugu suleqatigiissitanik suliaat assigiinngitsut pillugit ataatsimee-
qatiginninnerit
- Inuutissarsiutitigut attartornemi suliata aalisarnermut siunnersorti peqatigalugu misissuataar-
neri
- "A taste of Greenland" pillugu pilersaarusiortarluni ataatsimeeqatigiinneq.
- EUG-pillugu ataatsimiinneq

Takornariaqarnikkut ineriartortitsineq, pingaarnertut sammisat

- Sumiiffimmi tamarmi illoqarfiup assingisa ineriartortinneri
- Mobilit pillugit TG4NP NPP-mik teknologi atorlugu misigisassatigut pilersaarut – GTE-mik suleqateqarneq
- Arcticcircle.gl immersornera aqqissuunneralu
- Kommunimi pilersaarummut ilassutigittinnakkat nunaannarmillu atuinissaq pillugu oqaloqa-tigiinnerit
- A Taste of Greenland 3 pillugu pilersaarussianik aqutsineq
- Social Media in the Wild pillugu pilersaarussianik aqutsineq

Februaarimi

Siunnersuinerit

Sisimiut 3

Maniitsoq 1

Sisimiuni Inuutissarsiutitigut ineriartortitsinerit

- GTE-mi Sara Heilmann-mik paasissutissiisummik ataatsimeeqatiginninneq
- ”Nammeneq ineqarneq” pillugu pilersaarusionerq, piareersaaneq ataqtigiiisaarinerlu
- ”Nammeneq ineqarneq” pillugu Qeqqani Inuutissarsiornermut Siunnersuisoqatigiit Sisimiu-nilu Sulisitsut peqatigiiffiata aqqissuutaannik pilersaarusionerq (iluatsilluartumik innutaa-sunik ataatsimiititsinikkut)
- Uulia gassilu pillugit isumasioqatigiinnissamik aallarnisaammik ataatsimiinnerit
- Suliap ilangaatsiaa ACR-imik ataatsimeeqateqarnernut aqqissuussinernullu il.il. atorneqartarpoq

Maniitsumi Inuutissarsiutitigut ineriartortitsineq

- Maniitsumi timersornikkut ilinniarnertuunngorniartarfeqalernissaanik suleqatigiissitat
- Atuarfik Tamu-p pilersaarusionerq, sumiiffimmi inuusuttunut suliffissaaleqisunut.
- ”Angerlanngitsiarnermi ataatsimiinneq” Tyt peqatigalugu, Greenland Development
- Aallartitsiniat naatsorsuusiaatsimik il.il. ilinniartitaanerq pillugu ataatsimeeqatigiinneq
- Mimi Karlsen-imit Kaali Olsen-imillu GU pillugu pulaarneqarneq
- Paneeraq Olsen-imit, Qeqqata Kommuni pulaarneqarneq paasissutissiillunilu ataatsimeeqateqarneq.
- Killeqarfiit akimorlugit School entrepreneurship

Takornariaqarnikkut ineriartortitsineq, pingaarnertut sammisat

- George Washington University v. Jim McCaul-mit avammut tuniniaanissamut pilersaarussiaq
- Arcticcircle.gl immersornerata ingerlateqqinnera ilusilersugaaneratalu oqaloqatigiissutaanera
- DAC-mik assisivimmik flickr.com/arcticcircleregion inissiineq
- Cruise Greenland Association-mik pilersitsineq
- Tammajuitsussarsiorluni piniartitsisarnermi akuersissuteqartarnissaq pillugu isumasioqati-giisitsineq
- 2011-mi Cruise pillugu Isumasioqatigiisitsineq
- A Taste of Greenland 3 pillugu pilersaarussianik aqutsineq
- Social Media in the Wild pillugu pilersaarussianik aqutsineq
- Sermitsiami Aasarik Adventure (massakkut Greenland Outdoors) pillugu allaaserinninneq
- Ornittakkami quppersagaq pillugu Sermitsiami allaaserinninneq



Marsimi

Siunnersuinerit

Sisimiut 5
Maniitsoq 3

Sisimiuni Inuutissarsiutitigut ineriartortitsinerit

- Ullut marluk atorlugit nutaaliorneq pillugu isumasioqatigiissitsineq
- Namminersorlutik Oqartussani sulisut pillugit paasissutissiilluni ataatsimiisitsineq
- Sivdleq-mi siulersuisuni ataatsimiinneq
- Suliap ilangaatsiaa ACR-imik ataatsimeeqateqarnernut aaqqissuussinernullu il.il. atorneqartarpoq

Maniitsumi Inuutissarsiutitigut ineriartortitsineq

- Inuusuttut aallartitsiniat eqqarsaatigalugit NPP-pilersaarut pillugu Nuummi ataatsimiinneq
- Nuummi 2011-mi Future Greenland
- A taste of Greenland pillugu suleqatigiissitanik ataatsimeeqateqarneq.
- Umimmannik atorluannissaq AGF-ilu pillugit Kommuneqarfik Sermersooq peqatigalugu Arsummut tikeraarneq.
- Aallartitsiniat attartorsinnaanerit pillugu Grønlandsbank-imik oqaloqatiginninneq.
- Ukiut pingasut qaangiuppata qeqqussanik atuilersinnaaneq pillugu Danisco-mik ataatsimeeqateqarneq.
- Sanaartornermik sulialinnik ataatsimeeqateqarneq

Takornariaqarnikkut ineriartortitsineq, pingaarnertut sammisat

- A Taste of Greenland 3 pillugu pilersaarusanik aqutsineq
 - TOFG3-mik immiussat aaqqissuussinerlu pillugit marsip 18-ianiit apriliip 4-nut ingerlatsinissaq
- Social Media in the Wild pillugu pilersaarusanik aqutsineq
 - Marsip 18-ianiit marsip 31-ata tungaanut filmiliorluni ingerlatsineq
- Takornariaqarnermik ineriartortitsineq suliaqarnerillu pillugit Sermitsiami ilanngussassanik arfineq-pingasunik allaaserinninnerit
- Future Greenland CSR pillugu isumasioqatiginnineq – 2011-mi misigisassarsiorluni takornariaqarnermi pingaartitanut nalinginnaasumillu ineriartortitsinissamut ataqatigiissaarneqasaaq.
- Paasissutissiiviit pillugit pilersaarutit – ikkussuunneri piareersarnerilu

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsiminnermini suliaq paasissutisatut tiguaa.

Innersuussut

Suliaq kommunalbestyrelsimut paasissutisatut saqqummiunneqarpoq.

Aalajangiineq

Paasissutisatut tiguneqarpoq.

Ilanngussaq

Ilanngussaqanngilaq

Imm. 06 Kommunimi pilersaarummut tapiliut nr. 40 pillugu paasisutissiissut

Journalnr. 16.03

Tunuliaqutaq

Kangerlussuarmi inissamik, pingaartumik ilaqutariinnut ataatsinut illunik qinnuteqartut annertusi-artuinnartut akuersissuteqarfiginissaat anguniarlugu kommunimut pilersaarummut tapiliussaqaq una suliarineqarpoq.

Inuutissarsiuuteqarfik B4-p kujataatungaa inissiaqarfinngorlugu Kommunimut pilersaarummut tapiliussakkut allanngortinniarnaqarpoq. Immikkoortoq inissiaqarfimmu ilaqutariinnut ataatsinut illutaqartumut kiisalu kiffartuussiveqarfiusumut pissusissamisoortumik uiggiutaasinnaasumi inissi-simavoq.

Maleruagassatut tunngavissaq

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq, ilanngussaq 2 takuuk.

Pissutsit atuuttut

Immikkoortitaq ullumikkut suliffeqarfiuvoq, tassaniillutik katersugaasivik B-1714, sulisunut inissiaq B-1715, inersuaq toqqorsivik B-1718 telekrydsfeltulu B-1719 kiisalu kiisalu US-basep nukissiorfikkuata kujataatungaani illut atorneqanngitsut marluk B-1716 aamma B-1717.

Pilersaarutitut siunnersuummut tusarniaanermi akissutinik arfinilinnik tigusaqartoqarpoq. Illuatungeriit pingasut Isumaginninnermut, Kultureqarnermut, Ilageeqarnermut Naligiisitaanermullu Naalakkersuisoqarfik (IKIIN), Peqqissutsimut Naalakkersuisoqarfik aamma Kalaallit Nunaanni Rigsombudsmandi oqaaseqaatissaqanngillat. Illuatungeriilli pingasut Nunamut Namminermut, Pinngortitamut Avatangiisinullu Naalakkersuisoqarfik, Ineqarnermut, Attaveqarnermut Angallanermullu Naalakkersuisoqarfik aamma Kangerlussuarmi Mittarfik annikitsunik ikittunnguanik allaffissornikkullu allanngortinneqartussanik ilassutissaqarput sapinngisamillu akuerineqartunik, tak. ilanngussaq 4.

Aningaasaqarnikkut allaffissornikkullu kingunerisinnaasai

Tamakkiiusumik sanaartorfigissaasoqarnissaa 5.974.900 koruuninik missiliunneqarpoq. Sanaartorf-gissaaneq m²-imut agguataarneqassaaq. Immikkoortup immikkoortuani sanaartorfissat tulluuttut annertutigipput:

A7.1: 1440 m²

A7.2: 1080 m²

A7.3: 2000 m²

A7.4: naammassillugu sanaartorfioererpoq

A7.5: 2100 m²

Katillugit 6620 m²-iupput, taamaalilluni m²-imut 902,55 koruuneqassaaq.

Assersuutigalugu ilaqutariinnut ataatsinut illu 150 m²-isut annertutigisumik toqqavilik 135.383 koruuneqarpoq.

Sanaartorfigissaanissamut kontomi 77-70-30-mi 2,56 mil. koruuninik immikkoortitsisoqarnikuuvoq. Taakku sanaartorfigissaanissami immikkoortoq 1 matulluarsinnaavaat immikkoortunullu marlunnut sinneruttunut ungasinnerusumi aningaasanik amerlanerusunik immikkoortitsisoqartariaqassaaq.

Pilersaarut tamanut saqqummiunneqassaaq.

Qullersaqarfiup oqaaseqaatai

Immikkut oqaaseqaatitassaqaanngilaq

Allaffeqarfiup naliliinera

Kangerlussuarimi inissaaleqineq pilersaarummut siunnersuutikkut aaqinneqassaaq, immikkoortumullu kiisalu nunataanut naleqqussagaasunik assigiinngisitaartunik sanaartortoqarnissaanut periarfissiilluni. Allaffeqarfiup innersuussutigissavaa, kommunip pilersaarusioneqarnerani tapiliussaq 40 akuersissutigineqassasoq.

Allaffeqarfiup innersuussutaa

Allaffeqarfiup aningaasaqarnermut ataatsimiititaliamut innersuussutigissavaa, taamaalilluni kommunimi pilersaarut Nunamut namminermt, Pinngortitamut Avatangiisinullu Naalackersuisoqarfiup oqaaseqaataanut tigusanut iluarsisuteqarfigalugu, takuuk ilanngussaq 5.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsiminnermini allaffeqarfiup innersuussutaa akuersissutigivaa.

Borgmesterip suliamik suliaqarnera

Ilanngussaq 5-imi taaneqartut Nunamut namminermt, Pinngurtitamut Avatangiisinullu Naalackersuisoqarfiup oqaaseqaataanut tigusanut iluarsisuteqarfigalugu, kommunip pilersaarusioneqarnerani tapiliussaq 40 akuersissutigineqassasoq, kommunalbestyrelsi sinnerlugu maajip 18-ani 2011-mi borgmesteri aalajangiivoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. Kangerlussuarimi mittarfiup kujataatungaani inissiaqarfissatut kommunimi pilersaarummut tapiliussaq nr. 40-tut siunnersuut
2. Pilersaarusioneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-imeersoq.
3. Sanaartorfigissaanissamut missiliuut.
4. Illuatungeriinnit pingasuusuniit oqaaseqaatissaqartuniit tusarniaanermi akissuteqaatit
5. Kangerlussuarimi kommunimi pilersaarut pillugu Nunamut namminermt, Pinngurtitamut Avatangiisinullu Naalackersuisoqarfiup oqaaseqaatai maajip 13-ani 2011-meersut (qallunaatuinnaq)



Imm. 07 2010-mut ukiumoortumik nalunaarusiaq iluarsisaq pillugu paasissutissiisut

Journalnr. 06.03.01

Tunuliaqutaq

Kukkunersiuisut maluginiaqqusimavaat, ukiumoortumik nalunaarusiami aningaasaqarnermut tunngasut kukkuneqartut, taamaattumillu ukiumoortumik nalunaarusiaq kommunalbestyrelsimit akuersissutaasimagaluaq iluarsineqarnissaat pissusissamisussasoq.

Tamatuma malitsigisaanik aningaasaqarnermut immikkoortortap ukiumoortumik nalunaarusiaq aningaasaqarnermut tunngasortaatigut allatigullu minnerusutigut soorlu sulisoqarnermut nalunaaru-siartaa iluarsiiiffigisimavai.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq, § 46 - § 50 naatsorsuusiorneq naatsorsuutillu.

Pissutsit atuuttut

Iluarsiissutit aprilimi kommunalbestyrelsimut saaqqummiussami naammassisanut tunngassutaasigut oqaaseqaatitamigullu allannguuteqaataangilaq.

Naatsorsuutit inernerini takuneqarsinnaavoq, sanaartornermi aningaasartuutit qitiusumillu aningaa-saliissutit nuutsinneqannginneranni 2010-mi kommuni 11,3 mio. koruuninik sinneqartooruteqarsi-masoq; taannalu ima takussusiorneqarpoq

Mio. Kr.

Konto	B 2010	R 2010
Isertitat	+528,4	+536,8
Ingerlatsinermi aningaasartutit	- 491,6	-485,9
Ingerlatsinermi angusat	+ 36,8	+ 50,9
Sanaartornermi aningaasartuutit	-91,3	-39,6
Katillugit	-54,5	+11,3

Kommuni 536,8 mio. koruuninik isertitsisimaasoq, 485,9 mio. koruuninillu aningaasartuuteqarsi-masoq, 2010-mut naatsorsuutit inernerini takuneqarsinnaavoq. Tamatuma kingunerisaanik kommuni ingerlatsinermini 50,9 mio. koruuninik sinneqartoorpoq. Sinneqartoorutit taakku sanaartornermut tunngasuni pitsanngorsaaneq nutarterinernullu, nutaanillu sanaartornermut atorineqarsimapput. 2010-mi sanaartornermi aningaasartuutit katillugit 39,6 mio. koruuniupput, taamaalillunilu kommuni sanaartornissamut aningaasat qitiusumillu aningaasaliissutit nuutsinnagit kommuni katillugit 11,3 mio. koruuninik sinneqartoorluni.

2010-mi 528,4 mio. koruunit isertitassatut missingersuusiariqarsimallutik, 536,8 mio. koruunit isertinneqarsimapput. Missingersuusiariqarsimasunut sanilliullugu 8,4 mio. koruunit sinnerlugit isertinneqarput. Ingerlatsinermi aningaasartuutissattut 491,6 mio. koorunit missingersuusiariqarsimallutik 485,9 mio. koruuninik aningaasartuutigineqarsimapput. Missingersuusiariqarsimasunut sanilliullugu 5,7 mio. koruuninik minnaarluni atuisoqarsimavoq. Sanaartornermi aningaasartuutissatut 91,3 mio. koruunit missingersuusiariqarsimallutik 39,6 mio. koruunit aningaasartuutigine-qarsimapput. Missingersuusiariqarsimasunut sanilliullugu 51,7 mio. koruuninik minnaarluni atuisoqarsimavoq.



Aningaasarnikkut allaffissornikkullu kingunerisinnaasai

Aningaasaqarnermut tunngasut allannguutaata kommunip namminerisaminik aningaasaqarniarneranut 177,5 mio. koruuninut naatsorsugaasuniit 188,2 mio. koruuninut iluaqutaaginnassaaq. Tamatumuuna 10,7 mio. koruuninik pitsannguteqataassalluni.

Qullersaqarfiup oqaaseqaataa

Immikkut oqaaseqaatitassaqanngilaq.

Allaffeqarfiup naliliinera

Allaffeqarfiup kukkusimaneq ajuusaartigivaa, tamannali kommunimut pingaarnertut aningaasaqarnermut tunngasutigut allannguuteqaataanngilaq. Aningaasaqarnerlu sulii:
Ajunggavissumik karsimi uninngasuuteqarpoq, pingaarnertigullu ingerlatsinikkut sinneqartooruteqarnermigut akileraarutissat Kommuneqarfik Sermersooq assigalugu, Kalaallit Nunaanni appasin-nerpaaq 25 procentimiitinnaraluarlugu Kommune aningaasatigut pitsaasumik inissisimavoq. Kommunalbestyrelsili sanaartugassatigut kissaatigisamigut akileraarutit procentiat eqqarsatigalugu akilersinaanngitsumik qaffasippallaamik inissisimavoq. 2011-mut missingersuutitigut ingerlatsinermut tunngasuni 5 procentimik sipaarniarfiugaluarpalluunniit ingerlatsivik naliliivoq, ingerlatsinikkut aningaasartuutini pisariillisaanertigut sulisussarsiuussinertigullu ingalassimaartitsinikkut siunissami aningaasatigut sakkortuumik aqutsisoqarnissaq ingerlatiinnarneqassasoq.

Allaffeqarfiup innersuussutaa

Allaffeqarfiup siunnersuutigissavaa, Aningaasaqarnermut ataatsimiititaliap borgmesterimut innersuussutigissagaa, kommunalbestyrelsi sinnerlugu borgmesterimit akuersissutigineqassasoq,

2010-mut ukiumoortumik nalunaarusiaq iluasiissutitalik akuersissutigineqassasoq, kukkunersiuisu-
nullu nassiunneqarluni.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini allaffeqarfiup innersuussutaa akuersissutigivaa.

Borgmesterip suliamik suliaqarnera

2010-mut ukiumoortumik nalunaarusiaq iluarsiissutitalik akuersissutigineqassasoq, kukkunersiuisu-
sunullu nassiunneqarluni, kommunalbestyrelsi sinnerlugu maajip 18-ani 2011-mi borgmesteri
aalajangiivoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. 2010-mut ukiumoortumik nalunaarusiaq

Imm. 08 Sarfanguani Kiffartuussiviup oqoqarnera B-872-imullu nuukkallarneq pillugu immikkut aningaasaliissutit pillugit paassissutissiissut

Journalnr. 22.02.03- B1289-B872

Tunuliaqutaq

Sarfanguani kiffartuussivimmi oqoqalersimasinnaaneraniq misissuisoqarsimavoq.

Misissugassat piikkat takutippaat, annertoqisumik oqoqartoq. Taamatuttaaq illup najummisui takusaasumik isugutallutik.

Maleruagassatigut tunngavissaq

Illut kiffartuussiviit konto 2-p ataaniipput.

Immikkut aningaasaliinissamik suliap teknikkimut avatangiisinullu ataatsimiititaliaq aningaasaqarnermullu ataatsimiititaliaq aqqusaartussaavai.

Pissutsit atuuttut

Ukiorkpaalussuarni uffarfeqarfimmi qoorut ussiissimapput (silikonemik ussissagaanngitsut), taa-maatumillu imeq uffarnermi atugaq naqqata qisuttaanut kusertarsimalluni, taamalu oqoqalersitsimalluni.

Kiffartuussiviup matugallarnissaa illumullu 67/12, B-872-imut najugarineqanngitsumut nuukkallarnissaa, taannalu 189.000 koruunit missaannut iluarsartuutassaavoq.

B-872-imi illumi errorsivinnik marlunnik panersiivimmillu pisisoqartariaqarpoq, errorsiviit annertuumik errorsinermi atugassiat marluusut oqimaatsorujussuupput (ataaseq 100 kiilut missaat)illullu sannaata taamatut oqimaatsigisut immaqa nammassinnaanagit. Taamatuttaaq innallagissat suliarilaagassaassapput, kiffartuussiviup atorfissaqatitaanut errorsiviit marluk, panersiivik qarasaasiat il.il. naleqquttunngorlugit.

B-872-imi erngup aqputaa qerisoorluni qaartoornikuusimavoq, massakkut iluarsineqarsimasumik.

Aningaasaqarnikkut allaffissornikkullu kingunerisinnaasai

B-872:

• Ruujorilerisut suliassat, Brøndum faktura nr. 612600 (suliarineqareerput)	kr.	51.147,30
• Ruujorilerisut suliassat, Brøndum faktura nr. 612610 (suliarineqareerput)	kr.	11.173,47
• Innaallagisserisut suliassat, Elektrikerit (missiliuut)	kr.	24.575,00
• Illumi maskiinat atugassat, Kaataq EL (suliarineqareerput)	kr.	19.485,00
• Sanasut suliassat, BS-Byg	kr.	72.700,00
• Siumut ilisimaneqanngitsut 5 procentit	kr.	9.000,00
B-872-imut missiliuut A katillugit	kr.	188.080,77
• Missiliuut C kiffartuussiviup iluarsaannera	kr.	500.000,00
Katillugit	kr.	689.000,00

TAI-mi imm. illunik nakkutilliisoq sinnerlugu nakkutilliisoqarnissaa naatsorsuutigisariaqarpoq, sanaartornermilu immaqa suliaqartussamik, taakku konto 11-ikkut ingerlassapput.

Tamatuma aningaasaqarnikkut kingunerissavaa, kommunip karsianiit 689.000 koruunit tiguseriaqarnissaat.



Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Illu kiffartuussivimmi B-1289-imi piaarnerpaamik salinneqartariaqarpoq, kiisalu iikkat naqqalu iluarsartuullugit. Taamatuttaaq kiffartuussivik matullugu B-872-imullu nuukkallarlugu.

Taamaattumik tulliuttunut immikkut aningaasaliisoqarnissaanik qinnuteqaateqartoqassaaq:

B-872-ip piareersarnera maskiinanillu assigiinngitsunik pisineq: kr. 189.000,-

Kiffartuussiviup salinnera naqqatalu ajoqusersimasup iluarsartuunnera: kr. 500.000,-

Katillugit kr. 689.000,-

Allaffeqarfiup innersuussutaa

Teknikkimut avatangiisinullu ataatsimiititaliap siulittaasuanut innersuussutigineqassaaq, Teknikkimut avatangiisinullu ataatsimiititaliaq sinnerlugu borgmesterillu kommunalbestyrelsi sinnerlugu akuersissutigissagaat,

B-872-ip kiffartuussiviugallarnissamut piareersarneranut 189.000 korusuninik immikkut aningaasaliisoqarnissaa

kiffartuussivimmi ajoqusersimanernik iluarsartuussinermut oquiaanermullu immikkut 500.000,- korusuninik aningaasaliissuteqartoqassasoq.

Teknikkimut Avatangiisinullu ataatsimiititaliap siulittaasuata suliamik suliaqarnera

Teknikkimut Avatangiisinullu ataatsimiititaliap siulittaasuata maajip 23-ni 2011-mi allaffeqarfiup innersuussutaa akuersaarpa.

Borgmesterip suliamik suliaqarnera

Borgmesterip kommunalbestyrelsi sinnerlugu maajip 23-ani 2011-mi aalajangerpaa, allaffeqarfiup innersuussutaa akuerineqassasoq.

Kommunalbestyrelsi tullianik ataatsimiinnerani aalajangiinermik ilisimatinneqassaaq.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap juunip 7-ani 2011-mi ataatsimiinnermini suliaq paasissutissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. Assit
2. Neqeroorutit tigusat akiligassallu

Imm. 09 Qeqqata Kommuniani atuarfiit siuarsarneqarnissaat pillugu ilisimatitsissutip aappaa

Journalnr. 51.00

Tunuliaqutaq

Kommunimi atuarfinni killiffiit alloriarfinni angusat, soraarummeernerit, inaarutaasumik misilitsinnerit nalilersuinerillu tunngavigalugit 2011-mi Atuarfinnik isumasioqatigiisitsisoqarnerani Inerisaavik saqqummiussaqqarpoq. Aammattaaq atuarfinni arlalitsigut pitsanngorsaasoqartariaqarneranik ataatsimut takutitsisumik atuarfinni nukinnik atuisarnermi takussutissiat saqqummiunneqarput, pingaartumik kommunimi aaqqissuusaanermut aqutsinermut tunngasut eqqarsaatigalugit.

Meeqqat atuarfiini suliniuteqartoqarnissaa Qeqqata Kommuniata kommunalbestyrelsianit kissaataavoq, tamatumani Atuarfinnik siuarsaanissami Pilersaarut tunuliaqutaralugu, tassungalu atatillugu sulisussanik aqutsisoqatigiinnik suleqatigiisitamilu pilersitsisoqarpoq, taakkulu Kommunalbestyrelsip 2011-mi apriliip 28-ani ataatsimiinnermini akuersissutigisai suliassiissutit piffissaliussallu naapertorlugit sulisussaapput.

2011-p sinnerani Kommunalbetyrelsit ataatsimiinnerini killiffimmik ilisimatitsisoqartarnissaanik piffissaliussat imaqarput.

Maleruagassatigut tunngavissaq

Atuarfik pillugu Inatsisartut peqqussutaat nr. 8, 21. maj 2002-meersoq.

Pissutsit atuuttut

Qeqqata Kommuniani allaffeqarfik suliassiissutissaliornikuuvoq, taakkulu Kommunalbestyrelsip 2011-mi apriliip 28-ani ataatsimiinnerani akuersissutigineqarlutik. Suliassiissutini imaralugit suleqatigiisitap aqutsisoqatigiillu najoqqutassaat, atuarfiit siuarsarneqarnissaanni aaqqiissutissanik siunnersuusionermermi pimoorullugu sulisoqarpoq, tassungalu tunngasumik suliaqarneq pillugu aappasaanik ilisimatitsissuteqarneq matumuuna malinnaatinneqarpoq.

Suleqatigiisitap isiginiagaa:

1) Ukiumut pilersaarutit. Atuarfinni pisortat piffissaliussanut takussutissanik tunineqassapput, taakkulu inatsisit tunngaviusut isumaqatigiisutillu naapertorlugit eqqortinneqartussaapput. Ukiumut pilersaarutit illoqarfanni nunaqarfinnilu atorineqarsinnaanngorlugit suliaapput.

2) Immikkut atuartsineq. Immikkut atuartsinermermi aningaasartuutit annertorujussuupput, atuartunillu immikkut atuartinneqartussanik innersuuseriaaseq atuarfinni manna tikillugu assigiinngitsumik ingerlassarluni. Aammattaaq naatsorsuutigineqarpoq, atuartut immikkut ikiorneqarnissamik pisariaqartitsisut nalinginnaasumik avatangiiseqartillugit atuartinneqartalersinnaaneri eqqumaffigineqarnerulissasoq.

3) Katataaqqasut. Atuartut tunngaviusumik piginnaasatigut piginnaasaqaratik meeqqat atuarfiinit anisut Qeqqata Kommuniani amerlasoorujussuupput. Tamatumanili assigiinngitsorpassuanik patisi-saapput. Katataasoqartarneranik pinaveersaartitsinissamik siunnersuut suleqatigiisitap pilersaarum-mik suliaqarnermini utaqqimaassavaa. Pilersaarut Masterinngorniarlutik ilinniagaqartut juunimi naammassisussat, ilinniarnernanut ilaatillugu suliaavoq.

4) Atuarfinni siulersuisut. Kommunimi atuarfiit siulersuisui aalajangiisnaatitaanermut akisussaafinnullu tunngasunik sakkussalersorneqarput. Atuarfiit siulersuisui sulinerminnut atatillugu sakkusaqarluarsinnaaqqullugit, taakkunani siulittaasut atuarfiillu pisortaannik immaqalu sulisut sinniisaannik pikkorissartitsinissaq siunnersuutaavoq. Tamatumani kommunip aaqqissuussaanerata atuutilersinneqarnissaa kiisalu politikikkut allaffissornikkullu aalajangiisarnerup ersarissarneqarnissai ilanngullugit. Pikkorissarneq pillugu nassuiaatit pigineqarput.

5) Siusissukkut suliniutit / oqartussaasoqarfiit assigiinngitsunik suliallit suleqatigiiffiat. Atualertusamik angajoqqaavinillu piareersartitsisarneq pitsanngorsarneqarsinnaavoq. Suleqatigiisitamit siunnersuutigineqarpoq, atuarlertussanut tunngasumik sulialinni pisortat kommunimi meeqqeriviit allaffii juunip 5-ianiit 9-it ilanngullugu isumasioqatigiisinneqarnissaanni qaaqquneqassasut. Atualersitsisarneq eqqarsaatigalugu meeqqeriviit atuarfiillu akornanni ingerlaneq pitsanngorsaanisami, siunissaq alimasinnerusq malittarisassatullu killiliussat eqqarsaatigalugit eqqarsartoqarpoq.

Attaveqarfiit ataatsimiittarneri Qeqqata Kommunianit aamma pilersinneqarput, matumani meeqqat inuusuttullu immikkut pisariaqartitsisut pillugit suliniarnermi tamakkiisumik eqqarsaatiginninnermi annertusaanissaq pineqarluni. Tassuunakkut nukittorsarneqassalluni, soorlu miljøarbejderit, atuarfiit, sunngiffimmi ornittakkat, meeqqeriviit angajoqqaallu akornanni ileqqussaq malillugu suleqatigiinneq. Attaveqarfiit ataatsimiittarneri aallaqqaammut Sisimiuni ingerlanneqartassapput, piffissarlu ingerlatilaariarlugu kommunip sinneranut siammarneqarnissaa naatsorsuutigineqarpoq.

Aqutsisoqatigiit isiginiagaat:

1) Pisinnaatitsisarnerit. Atuarfinni pisortat pisinnaatitsinermut tunngasoq ersarinnerusq 2011-mi Atuarfiit isumasioqatigiisinneqarneranni ujartorpaat. Ilinniartitaanermut Immikkoortortami pisinnaatitsinermut tunngasoq 2010-mi marsimi Kommunalbestyrelsimit akuersissutigineqarpoq. Pisinnaatitsisarnermut tunngasoq akuersissutaareersoq nalinginnaasunik nutarterinissamik siunertaqartumik, ilaatigut ilinniartunut inissiaqartitsisarnermi aaqqissuussaaneq iluarsartuunneqarpoq.

Siunnersortip isiginiagaai:

1) Atuarfiup aaqqissuussaanaera. Allaffeqarfiup ilaatigut naatsorsuutigaa, kommunimi atuarfeqarfiit pingaarnertut aaqqissuussaanaera aamma atuarfimmi aaqqissuussaaneermi assigiinngitsutigut aqutsinermi allaffissorneq atuartitsinerlu sammivinnit assigiinngitsutigut siunnersortimit misissuiffigineqassasut.

2) Aningaasaqarneq nukinnillu atuineq: Meeqqat atuarfiini aningaasaqarneq nukinillu atuineq misissuiffigineqarpoq. Ilinniartitsisut sulinerminni piffissamik atuilluarnerusalernissaat, vikarinik atuinermi aningaasartuutunik annikillisaanissaq kiisalu immikkut atuartitsinermi annertusisamillu immikkut atuartitsinermi pisariaqartitsinerup annikillisarneqarnissaat ilaatigut sammisassaqqipput.

Aningaasaqarnikkut allaffissornikkullu kingunerisinnaasai

Aningaasaqarnikkut atuiffiunerunissaa naatsorsuutigineqanngilaq. Atuarfinni allaffissornermilu ulluinnarni aqutsinermi immikkoortuni atuutilersinneqarneri ilutigalugu, allaffissornertaani anguniagaqarnerusumik aqutsinissaq naatsorsuutigineqarpoq. Siunnersorteqartitsinermi aningaasartuutit atuarfiup missingersuutaatigut matussuserneqartassapput.



Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Sulineq piffissaliussat naapertorlugit ingerlavoq. Allaffeqarfiup nalilerpaa, immikkoortut atuarfimmi suleriutsimi atuutilersinneqarnissaat unammianiarnarnerpaassasoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap maajip 30-ani 2011-mi ataatsiminnermini suliaq paasissutissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussaq

Ilanngussaqanngilaq

Imm. 10 Qeqqata Kommuniani inuit sulisinnaasut piffissami Ukioq 2011-miit 2021-mut utoqqalinersiaqalersussat pillugit nalunaarusiarineqarneri

Journalnr.

Tunuliaqutaq

Qeqqata Kommunianin inuit sulisinnaasut piffissami Ukioq 2011-miit 2021-mut utoqqalinersiaqalersussat kiisalu sulilersinnaanermut ukiorititat qassit angussaneraat pillugit nalunaarusiaq. Tamanna tungavigalugu misissuinerit nalunaarusiornerillu ingerlateqqinneqarput.

Sulisinnaasutut naatsorsuutigisat Kommuni tamaat 2011-miit 2021-mut sulisinnaasutut naatsorsuutigerumaagassat ukioq 1996-miit 2006-mut inunngorsimasut.

Ukiunut
agguataarlugit.

Inuuffik	Ukioq sulisinnaalerfik	Katillugit
1996	2011	159
1997	2012	168
1998	2013	133
1999	2014	138
2000	2015	151
2001	2016	138
2002	2017	132
2003	2018	131
2004	2019	138
2005	2020	140
2006	2021	139
Katillugit:		1.567

Angutit	Arnat
796	771

Sulilersinnaasutut naatsorsuutigisat Ukioq 2009-mi siullermik naatsorsorneriniit 62-nik ikileriarsimapput 1.629-ninngaaniit 1.567-ngorsimagamik, tassani ukiut marluk nikingassutaasut iluani inunngortut amerlassusaat aammalu nuuttarneq pequtaallutik.

Sulisinnaasutut naatsorsuutigisat Kommuni tamaat 2011-miit 2021-mut utoqqalinersiuteqalernissamut ukiorititanut killissarititaasunik angusisussat naatsorsorneri ukioq 1946-miit 1956-mut inunngorsimasut.



**Kommunalbestyrelsip juunip 16-ani 2011-mi ileqquusumik ataatsiminnerata 03/2011-p
imaqarniliornera**

Ukiunut
agguataarlugi
t

Inuuffik	Ukioq utoqqalerniaqalerfissaq	Katillugit
1946	2011	76
1947	2012	65
1948	2013	82
1949	2014	80
1950	2015	102
1951	2016	82
1952	2017	94
1953	2018	93
1954	2019	119
1955	2020	135
1956	2021	115
Katillugit:		1.043

Angutit	Arnat
626	417

Kisitsisit assigiinngiiaraluartut taamaattoq takuneqarsinnaavoq, Qeqqata Kommuniani naliginnaasumik utoqqalinersiuteqalernissamut ukiorititanik ukioqalersussat ukiut qulit qaangiunnerini marloriaatinngorsimanissaat aammalu Ukioq 2009-mi kingullermik nalunaarusiorneqarneriniik ukiut marluinnaagaluartut utoqqalinersiaqalersussat 80-nik amerleriaateqarsimapput, tassani inuit utoqqalinersiaqalernissamut ukioqalersussat amerleriaateqarnerat pissutaaneruvoq.

Allaffeqarfiup naliliinera

Suliffissarsiuussisarfiup nalilerpaa, maannakkut Qeqqata Kommuniani sulisinnaasutut naatsorsuutigisat katillugit 6.500 missaaniittut, taakkunanga 1.043-t ukiuni 2011-miit 2021-mut utoqqalinersiuteqalernissaminnut ukiorititanik ukioqalersussat, kiisalu piffissami tassani sulilersinnaasutut naatsorsuutigilerumaagassat 1996-miit 2006-mut inuusimasut 1.567-ullutik.

Allaffeqarfiup innersuussutaa

Suliffissarsiuussisarfiup Inuussutissarsiutinut Suliffissaqartitsiniarnermullu ataatsimiititaliamut innersuussutigaa nalunaarusiaq tusaatissatut tiguneqassasoq, Aningaasaqarnermullu ataatsimiititaliamut ilisimatitsissutitut ingerlateqqinneqassasoq.



Inuussutissarsiutinut Suliffissaqartitsiniarnermullu ataatsimiititaliami suliap sularinera
Inuussutissarsiutinut Suliffissaqartitsiniarnermullu ataatsimiititaliap juunip 1-ani 2011-mi ataatsi-
miinnermini suliaq tusaatissatut tiguaa.
Paasissutissatut kommunalbestyrelsimut nassiunneqassasoq kissaatigineqarpoq

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. Nalunaarsuut, sulilersussat suliunnaartussallu amerlassusaat (inuusuttut, utoqqaat, angutit/arnat)
2. Nalunaarsuut, utoqqalinersiaqalersussat amerlassusaat.
3. Nalunaarsuut, sulilersinnaalersussat amerlassusaat.

Imm. 11 Akiliisinnajunnaarnermi FBS-imiit pissarsiat tunniunnissaat

Journalnr.

Tunuliaqutaq

Apriliip 14-ni 2011-mi 284.450,21 koruunit kommunip Grønlandsbank-imi kontoanut ikineqarsimapput. Aningaasartai ”Foreningen til Begrænsning af Skadeudgifter i Kommuner og Regioner f.m.b.a.” (FBS) –ip akiliisinnajunnaarnerani pissarsiassaapput.

Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

Kalaallit Nunaanni kommunit qallunaat nunaanni kommunit immikkortullu (siusinnerusukkut amtet) peqatigalugit ”Foreningen til Begrænsning af Skadeudgifter i Kommuner og Regioner f.m.b.a.” (FBS)-mi peqataasimapput. Kalaallit Nunaanni kommunit siulersuisuni marlunnik ilaasortaataqarsimallutik. Peqatigiiffiup ileqqoreqqusaani § 2 naapertorlugu siunertarisimavaa, kommunini immikkoortunilu ajutoornernut aningaasartuutit anikkillisarnissaat. Siunertarlu timitalerneqartarluni ilaasortat akornanni ajutoorsinnaanerit ingalassimaarniartinnerisigut, soorlu sillimaniarnerit aquunerisigut, qulakkeerinninniarnertigut ajutoornerillu iliuseqarfigisarnerisigut.

Maajip 6-ni 2010-mi peqatigiiffiup ataatsimeersuarnerani aalajangiunneqarpoq, nammineq piumasuserisamik akiliisinnajunnaarneq nalunaarutigineqassasoq. Akiliisinnajunnaarnermik ingerlatsissatut toqqaneqarluni advokat Jeppe Skadhauge advokatfirmaet Bruun & Hjejle-meersoq.

Akiliisinnajunnaarnermut tunngasut massakkut naammassineqarsimalerput, advokatfirmaet Bruun & Hjejle-llu 284.450,21 koruunit Grønlandsbank-imi konto 6471-2020219-mut ikisimallugit.

Aningaasaqarnikkut allaffissornikkullu kingunerisinnaasai

FBS-ip akiliisinnajunnaarnerata kinguneranik kommuni 284.450,21 koruuninik isertitaqarpoq. Konto 86-01 (Isertitat allat) aningaasaliiffiunikuunngilaq, taamaattumillu immikkut aningaasaliis-suteqarnissaq qinnutigineqarluni. Apriliip 4-ni 2011-mi 86-01-00-79-01-imut 4.419,30 koruunit isertitatut ikineqarsimapput, tassa INI-p akiliuteqarneratigut. Taamaattumik ataatsimut katillugu - 288.869,51 koruuninik immikkut aningaasaliissuteqarnissaq qinnuteqaataalluni.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Immikkut oqaaseqaatitassaqaanngilaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini suliaq suliarivaa.

Innersuussut

Kommunalbestyrelsimut akuereqqullugu innersuussutigineqassaaq

Kontomut 86-01-imut -288.869,51 koruuninik immikkut aningaasaliissuteqartoqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

Ilanngussaqanngilaq



**Imm. 12 Qinnuteqaat immikkut aningaasaliiffigeqqulluni illoqarfik qimannagu perorsaa-
sunnorniarnermut, aallartittussanngorlugu september 2011-imi, Sisimiuni**

Journalnr. 53.03.04

Tunuliaqutaq

Illoqarfik qimannagu perorsaa-sunnorniarnarluni ilinniarneq aallartinneqarpoq Sisimiuni 2008-mi, Juli 2008-mi aningaasaqarnermi ataatsimiisitaliaq innersuussuteqarpoq kommunalbestyrelse-mut illoqarfik qimannagu perorsaa-sunnorniarnat taamani Sisimiut Kommunianni aallartinneqassasoq.

Ilinniarneq aallartinniarneqalermat qinnuteqartut 45-it missaanniittut misilitsinneqarsimapput, taakkunangalu ilinniartut 20-it aallartissinnaalersimapput ilinniarnerminnik august-imi 2008-mi. Ilinniarnep ingerlanneqarnerata affaa ingerlareersup nalilernerata ilisimatitsissutigineqarpoq ilinniartut 19-it suli ilinniakkaminnik ingerlatsisut nalunaarutigineqarput.

Illoqarfik qimannagu perorsaa-sunnorniarnartut siulliit ilinniakkaminnik naammassissapput 17. juni 2011-imi, katillugit 19-it, tamarmik angusissagunik.

Illoqarfinni ukunani illoqarfik qimannagu perorsaa-sunnorniarneq ingerlanneqarpoq.

- Sisimiuni.
- Ilulissani.
- Nuummilu.

Qeqqata Kommuuniata akissarsianut immikkoortissimavai ilinniagaqartunut Sisimiut Kommunianni maanni Qeqqata Kommuniani:

Illoqarfik qimannagu perorsaa-sunnorniarneq / Sisimiut. Ilinniagaqartunut akissarsiat.

Konto-mi	2009	2010	2011
50-01-11-01-10	4.153	2.844	1.895

Naak ilinniarneq aallartimmat inissaqarniarnikkut ajornartorsiuteqartoqaraluartoq, inissaqarniarneq aporfiginagu ilinniartut suliamikkut ingerlatsilluarsimapput, ilinniartitsisumit aammalu suliffimmi misiliinermi siunnersortiusut naammagisimaarluagaannik. Tassanilu patsisaalluinnarpoq ornittakkat aammalu meeqqueriviit ininik ilinniagaqartunut atortitsisarsimani.

Maanna immikkut aningaasaliiffigeqqullugu qinnutigineqarput, ilinniarneq aallarteqittussanngorlugu september 2011-imi.

Maleruagassatigut tunngavissat

Karsimik aammalu naatsorsuineramik maleruagassaq Qeqqata Kommuniani.

Pissutsit atuuttut

Illoqarfik qimannagu perorsaa-sunnorniarneq Qeqqata Kommunianut iluanaarutaasussaavoq, ilinniagaqartut naammassigunikku juni 2013-imi perorsaa-sunik ilinniarsimasunik 20-inik amerlanernik peqalertussaassagatta Sisimiuni aammalu Maniitsumi.

Ilinniarnarli Qeqqata Kommunianut akisusimavoq, ilinniagaqartut allat assigalugit Namminersorlutik Oqartussanit ilinniagaqarnerisaniq tunineqarneraq ajorput, kisiannili 23. maj 2011-imi allagarsisimavugut KANUKOKA-mit, illoqarfik qimannagu perorsaa-sunnorniarnartut ilinniaga-qarnerisiaqalersimasut 4.500,- kr-inik, marts-ip aallaqqaataaniilli, ilinniagaqartunullu aningaasarsi-aannik ilanngaanneqarnissaat pillugu.

Ilinniagaqartunut akissarsiaat Qeqqata Kommuniata tamaviisa matussuserlugit aningaasartuutigaat, nuannaarutissaavorlu ilinniagaqartut ilinniarnersiaqarlertinneqarsimanagerat.



**Kommunalbestyrelsip juunip 16-ani 2011-mi ileqquusumik ataatsiminnerata 03/2011-p
imaqarniliornera**

Ilinniagaqarnerlu ingerlaqqissappat Qeqqata Kommuniani, Maniitsumit saaffiginnittoqareerpoq illoqarfik qimannagu perorsaasunngorniarnermut ilaarussullutik Sisimiuni aallarteqqissappat imaluunniit ilinniartitaaneq Maniitsumi aallartinneqarsinnaannginnersoq.

Aningaasaqarnikkut allaffissornikkullu kingunerisinnaasai

Aaliangiisoqassapput ilinniarneq ingerlatiinnarneqassasoq taava aningaasaliisoqaqqittoqartariaqassaaq illoqarfik qimannagu perorsaasunngorniarnermut Sisimiuniittumut, september 2011-i aallarnertigalugu..

Illoqarfik qimannagu perorsaasunngorniarneq / Sisimiut. Akissarsiat ilinniagartussanut ukiunullu tulliuuttunut aggersunut.

Konto	2011	2012	2013
50-01-11-01-10	1.895	2.844	1.895
Ilinniagaqarnerasiat Marts – juni 2011	19 x 4.500 x 4 mdr. = 342.000,-	20 x 4.500 x 12 mdr. = 1.080.000,-	20 x 4.500 x 6 mdr. = 540.000,-
Ilinniagaqarnerasiat Sept. – Dec. 2011	20 x 4.500 x 4 mdr. = 360.000,-		
Pisariaqartitat immikkut aningaasaliissutit.	1.538.000,-	1.764.000,-	1.355.000

Qullersaqarfiup oqaaseqaatai

Perorsaasunngorniarneq ilinniartuuvuq ingerlaqqiffik taamaasilluni Namminersorlutik Oqartussat akisussaaffigalugu, piffissaq kingulleq perorsaasunik amigaateqarneq pissutigalugu taamani Sisi-miut Kommmuuniugallarmat akisussaaffik tigusimagaa.

Pisariaqartitsineq perorsaasunik ilinniarsimasunik sulii annertuvoq Sisimiuni aammalu Maniitsumi.

Allaffeqarfiup naliliinera

Ilinniartitaanermi immikkoortoqarfik Sisimiut nalilerpaa ilinniartitaaneq tassaasoq Namminersor-lutik Oqartussat akisussaaffigaaq, ilinniartitaaneq Nunatsinni akisussaaffigimmassuk.

Illoqarfik qimannagu perorsaasunngorniarneq Qeqqata Kommuniani neqoroortitut ingerlaannasappat, ilinniagaqartut akissarsiaannut ilinniagaqarnerisiamik ilaqartariaqartoq, soorlu ilinniartut allat Nunatsinni taamatut ilinniagaqartinneqartartut. Matussuseeqataasariaqartut ilinniartuutitta akissarsiaannut.

Maanna isumaqatigiissut atuutilersinneqalersimavoq ilinniartut ilinniagaqarnerisiamik aningaasaliisoqarnissaanut qinnuteqaassunneqarput.

Konto	2011	2012	2013
50-01-11-01-10	1.895	2.844	1.895
Immikkut aningaasaliineq.	1.538.000,-	1.764.000,-	1.355.000

Allaffeqarfiup innersuussutaa

Ilinniartitaanermi immikkoortoqarfiup innersuussutigaa Qeqqata Kommunianni illoqarfik qimannagu perorsaasunngorniarneq ingerlaannasappat immikkut aningaasaliisoqarnissaanut qinnuteqartoqassasoq, ukiunullu tulliuuttunut aggersunut, katillugit.

Konto	2011	2012	2013
Immikkut aningaasaliineq.	1.538.000,-	1.764.000,-	1.355.000

Suliarlu aningaasaqarnermut ataatsimiisitaliamut aaliangigassanngorlugi ingerlateqqinneqarluni.



**Kommunalbestyrelsip juunip 16-ani 2011-mi ileqquusumik ataatsimiinnerata 03/2011-p
imaqarniliornera**

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap maajip 30-ani 2011-mi suliaq suliarivaa. Innersuussut akuerineqarpoq. Imm. Aningaasaqarnermik ataatsimiititaliamut ingerlateq-qinneqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 7-ani 2011-mi ataatsimiinnermini suliaq suliarivaa.

Innersuussut

Kommunalbestyrelsimut akuereqqullugu innersuussutigineqassaaq

Qeqqata Kommunianni illoqarfik qimannagu perorsaasunnngorniarneq ingerlaannassappat immikkut aningaasaliisoqassasoq, ukiunullu tulliuuttunut aggersunut, katillugit

Konto 50-01-11-01-10	2011	2012	2013
Immikkut aningaasaliineq	1.538.000,-	1.764.000,-	1.355.000

Aalajangiineq

Innersuussutigineqartoq akuersissutigineqarpoq.

Maniitsumi siunissami aallartittoqarsinnaanera misissuiffigineqassaaq.

Ilanngussat

1. Perorsaanermik Ilinniarfik, Sisimiut: Piffissap affaanik naliliineq maj 2010.
2. KANUKOKA-mit allakkiaq, ullulerneqarsimasoq 23. maj 2011, najugaq qimannagu perorsaasunnngorniarluni ilinniartut aningaasarsiaannit ilanngaanneqarnissaat Sisimiuni.



Imm. 13 Sanaartornermi naatsorsuutit pingasut, Maniitsoq

Journalnr. 06.03.03

Tunuliaqutaq

Sanaartukkanut pingasunut Maniitsup kommunerisimasaani aallartinneqarlutik naammassineqareer-sunut pingasunut sanaartornermi naatsorsuutit suliarineqarput.

Maleruagassatigut tungavissat

Ukioq missingersuusiorfik sinnerlugu ingerlanneqarlutik sanaartukkanut sanaartornermi naatsorsuu-siortoqartartussaavoq. Sanaartornermi naatsorsuutit Teknikkimut avatangiisinullu ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput.

Pissutsit atuuttut

Utoqqaat angerlarsimaffikuata 2008-mit 2010 tikillugu atuartunut ininngortinneqarneranut, Kangaamiuni inuusuttut ornittagaata 2008-mit 2010 tikillugu nutarterneqarneranut Maniitsumilu iliveqarfiup 2007-imit 2009 tikillugu allilerneqarneranut sanaartornermi naatsorsuutit suliarineqarput.

Aningaasaqarnikkut allaffissornikkullu kingunerisinnaasai

Utoqqaat angerlarsimaffiata allanngortiterneqarnissaanut missingersuutitigut 1.290.000 koruunit immikkoortinneqarput. Naatsorsuutit malillugit 1.288.105 koruunit atorneqarput.

Inuusuttut ornittagaata nutarterneqarneranut missingersuutitigut 1.240.000 koruunit immikkoortin-neqarput. Naatsorsuutit malillugit 924.663 koruunit atorneqarput.

Iliveqarfiup allilerneqarnissaanut missingersuutitigut 1.882.000 koruunit immikkoortinneqarput. Naatsorsuutit malillugit 1.476.149 koruunit atorneqarput.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Sanaartornermi naatsorsuutit eqqortutut nalilerneqarput.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap marsip 8-ni 2011-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap marsip 15-ani 2011-mi ataatsimiinnermini suliaq suliarivaa.

Innersuussut

Kommunalbestyrelsimut innersuussutigineqassaaq, sanaartornermi naatsorsuutit pingasuusut akuersissutigineqassasut.

Aalangiineq

Innersuussutigineqartoq akuersissutigineqarpoq.

Ilanngussat

1. Utoqqaat angerlarsimaffiata atuartunut ininngortinneqarneranut sanaartornermi naatsorsuutit
2. Kangaamiuni inuusuttut ornittagaata nutarterneqarnerani sanaartornermi naatsorsuutit
3. Maniitsumi iliveqarfiup allilerneqarnissaanut sanaartornermi naatsorsuutit



Imm. 14 Sisimiuni sanaartornermi naatsorsuutit marluk

Journalnr. 06.03.03

Tunuliaqutaq

Sanaartugassatut suliassanut naammassineqanngitsunut marlunnut tunngassuteqartut, tamarmik Sisimiut Kommunerisimasaani aallartinneqarsimasut pillugit sanaartornermut naatsorsuusionerqarput.

Maleruagassatigut tunngavissaq

Sanaartugassatut suliassat 1 mill. koruunit sinnerlugit suliassanut sanaartornermi naatsorsuutinik suliaqartoqassaaq. Sanaartornermi naatsorsuutit Teknikkimut Avatangiisinullu ataatsimiititaliamit, Aningaasaqarnermut ataatsimiititaliamit Kommunalbestyrelsimillu akuersissutigineqassapput.

Pissutsit atuuttut

Immikkoortoq siullermeerlugu 2010-mi septembarip 27-ani TAA-p immikkut ittumik ataatsimiinnerani suliarineqarpoq, tassanilu AA-mut innersuussutigineqarpoq, aammalu 2010-mi oktobarip 26-ani kommunalbestyrelsimit inaarutaasumik akuersissutigineqarluni. Kommunilli kukkunersiuisui sanaartornermut naatsorsuutinut marlunnut oqaasiorimapput:

Konto 72 08 Kulturikkut illorsuarmut aqqusineq, Fahlip Aqq. pillugu 2009-mi 2010-milu naatsorsuutinut ikkunneqarsimanngitsut. Taakku maannakkut naatsorsuutinut ilanngunneqarput. Kukkunersiuisut missiliuut 1 A amigaatigisimavaat. Taanna ataatsimoortillugu suliarineqanngisaarnarsimavoq, sanaartugassatut suliassaq etapenut pingasunut avillugu tamarmik immikkut A-nik missiliuuserlugit suliarineqarsimammata. Maanna sanaartornermut naatsorsuutinini etapet missiliuuserneqarnerattut missiliuutinik A-mik taallugu suliarineqarpoq.

Konto 74 26 meeqqanut inuusuttunullu innarluutilinnut ornittagaq. .

Innarluutilinnut ornittakkamut Nutaraq-mullu sanaartornermut naatsorsuutit immikkoortuutitassaasut kommunit kukkunersiuisa piumasaqaatiginikuuvaat, 74 26-imllu sanaartornermut naatsorsuutit taamaallaat Nutaraq-mut tunngasuussasut.

Meeqqanut inuusuttunullu innarluutilinnut Ornittakkamut nuutsisoqarnikuunngilaq, kontolli atornerqarnera kisimi allangortinneqarnikuulluni. Sanaartornermut naatsorsuutini inuusuttut ornittagaat kisimi Nutaraq pineqarluni.

Aningaasaqarnikkut allaffissornikkullu kingunerisinnaasai

Nutaraq allangortiterneqarnissaa 2.320.000 koruuninik missingersuusionerqarsimavoq. Naatsorsuutit takutippaat 2.449.515,25 koruuninik atuisoqarsimasoq.

Fahlip aqq. Kulturikkut illorsuamut aqqusineq 10.300.000,- koruuninik missingersuusionerqarsimavoq. Naatsorsuutit takutippaat 10.808.895,65 koruuninik atuisoqarsimasoq.

Qullersaqarfiup oqaaseqaataa

Oqaaseqaatitassaqaanngilaq.

Allaffeqarfiup naliliinera

Sanaartornermut naatsorsuutit tikkuussisuusut nalilerneqarpoq.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 10-ani 2011-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini suliaq suliarivaa. Ilanngullugu aalajangiunneqarpoq Fahlip Aqqusernata kiviartorneranut tunngasoq Teknikkimut Avatangiisinullu immikkoortortaqarfimmi misissuiffigineqassaaq.

Innersuussut

Kommunalbestyrelsimut innersuussutigineqassaaq, Nutaraq-mut aammalu Fahlip Aqqutaanut sanaartornermut naatsorsuutit akuersissutigineqassasut.

Aalajangiineq

Innersuussutigineqartoq akuersissutigineqarpoq.

Ilanngussaq

1. Konto 74-26 Nutaraq-ap allanngortiterneqarneranut sanaartornermi naatsorsuutit.
2. Konto 72-08 Kulturikkut illorsuarmut aqqusineq, Fahlip Aqqutaanut sanaartornermi naatsorsuutit.

**Imm. 15 Kommunip nersornaasiisarnermini leqateqartitsinerminilu aningaasaateqarfiisa
2009-mut 2010-mullu naatsorsuutai**

Journalnr. 00.22

Tunuliaqutaq

Kommunip nersornaasiisarnermini leqateqartitsinerminilu aningaasaateqarfiisa 2009-mut 2010-mullu naatsorsuutaat suliarineqarsimalerput. Tamatumani pineqarlutik

- Sisimiut Kommuneani Nersornaasiisarnermi aningaasaateqarfik,
- Maniitsup Kommuneani Ataqqinaasiisarneq,
- Kaaleerannuup Aningaasaateqarfia, aamma
- Pavia Petersen-ip Inuusuttunut Aningaasaateqarfia.

Maleruagassatigut tunngavissaq

Qeqqata Kommunaiani karseqarnermut naatsorsuuserinermullu malittarisassat.

Pissutsit atuuttut

2010-mut naatsorsuutit suliarineqartut makkuninnga paasissutissiipput:

Sisimiut Kommunata Nersornaasiisarnermi aningaasaateqarfia pingasunik nersornaasiisimavoq, tamarmik 5.000 koruuninik aningaasartalinnik, imaluunniit katillugit 15.000 koruuninik. Taamatut aningaasaliissuteqarnikkut ingerlatsinermi aningaasartuutit -4.579,58 koruuninik amigartooruteqartitsisimallutik.

Aningaasaateqarfiup 31.12.2010-mi nammineq aningaasaatigivai 225.765,64 koruunit.

Maniitsup Kommuneata ataqqinaasiisarnerani aningaasaateqarfik 15.000 koruuninik aningaasartuuteqarsimavoq. Taamatut aningaasaliissuteqarnikkut ingerlatsinermi aningaasartuutit -6.341,15 koruuninik amigartooruteqartitsisimavoq.

Aningaasaateqarfiup 31.12.2010-mi nammineq aningaasaatigivai 231.478,07 koruunit.

Kaaleerannuup Aningaasaateqarfia 2010-mi agguaassisimangilaq. Naammassiatigut 4.632,56 koruuninik sinneqartooruteqartoq takuneqarsinnaavoq, oqimaaqatigiissitsinermilu takuneqarsinnaalluni 31.12.2010-mi 135.165,97 koruunit nammineq aningaasaatigigai.

Pavia Petersen-ip Inuusuttunut Aningaasaateqarfia marlunnik nersornaasiisimavoq, tamarmik 6.000 koruuninik aningaasartalinnik. Taamatut aningaasaliissuteqarnikkut ingerlatsinermi aningaasartuutit 1.152,04 koruuninik sinneqartooruteqarsimapput, oqimaaqatigiissitsinermilu takuneqarsinnaalluni 31.12.2010-mi 146.143,45 koruunit nammineq aningaasaatigigai.

Aningaasaqarnikkut allaffissornikkullu kingunerisinnaasai

Nersornaasiinerit legatinillu agguaasinerit kommunip ukiumoortumik nalunaarusiaanut sunniutissaqanngillat.

Qullersaqarfiup oqaaseqaataa

Immikkut oqaaseqaatitassaqaanngilaq.



Allaffeqarfiup naliliinera

Allaffeqarfiup ajuusarutigivaa, 2009-mut naatsorsuutit aatsaat maanna suliarineqarmata saqqumunneqarlutillu, aningaasaqarnermulli sunniuteqartussaangillat.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini suliaq suliarivaa.

Innersuussut

Aningaasaateqarfiit legatillu naatsorsuutaasa tusaatissatut tiguneqarnissaat innersuussutigineqassaaq.

Aalajangiineq

Innersuussutigineqartoq akuersissutigineqarpoq.

Ilanngussat

2009-mut 2010-mullu tulliuttutigut naatsorsuutit oqimaaqatigiissitsinerillu

1. Sisimiut Kommuneata Nersornaasiinermut aningaasaateqarfia,
- 2010-mut tulliuttutigut naatsorsuutit oqimaaqatigiissitsinerillu
2. Maniitsup Kommuneata ataqinaasiisarnernani aningaasaateqarfik
3. Kaalerannguup Aningaasaateqarfia, aamma
4. Pavia Petersen-ip Inuusuttunut Aningaasaateqarfia.

Imm. 16 Karseqarnermut naatsorsuuserinermullu malittarisassanut ilanngussassaq

Journalnr. 01.00.04

Tunuliaqutaq

Qeqqata Kommuniani Kommunalbestyrelsip 2010-mi apriliip 28-ani maannakkut kommunip karseqarnermu naatsorsuuserinermullu malittarisassaanik akuersissuteqarnerata kingunerisaanik, Qeqqata Kommuniani karseqarnermut naatsorsuuserinermullu malittarisassanut ilanngussassamik Kukkuersiuisut siunnersuusiaqarput.

Maleruagassatigut tunngavissat

Karseqarnermut naatsorsuuserinermullu malittarisassani immikkoortortoq 1.5 naapertorlugu ilanngussatigut allannguutit qullersaqarfimmit kisimi akuersissutigineqartussaapput, allannguutilli annertuumik sunniuteqartussaattillugit taakku aningaasaqarnermut ataatsimiititaliamit akuersissutigineqartussaallutik.

Pissutsit atuuttut

Karseqarnermut naatsorsuuserinermullu malittarisassanut ilanngussassatut Kukkuersiuisut siunnersuusiaat pisortaaqatigiinnit eqqartorneqareerlumi akuersissutigineqarnissaanut maanna innersuussutigineqarpoq.

Karseqarnermut naatsorsuuserinermullu malittarisassanut ilanngussassaq 15-inik ilanngussartaqarlunilu innersuussisinnaatitaasunut atsiorsinnaatitaasunullu takussutissiartaqarpoq.

Aningaasaqarnikkut allaffissornikkullu kingunerisinnaasai

Karseqarnermut naatsorsuuserinermullu malittarisassanut ilanngussassaq toqqaannartumik aningaasaqarnikkut kinguneqaatissaqanngilaq, taamaakkaluartorli kommunimi karseqarnermut naatsorsuuserinermullu tunngasut pitsaasumik aqunneqarnissaasa qulakkeerneqarnissaanut toqqaannanngikkaluumik aningaasaqarnikkut allaffissornikkut soorunalimi annertuumik pingaaruteqarpoq.

Ilanngussanik qarasaasiatigut suliaqartoqartalernissaa innersuussisoqartalernissaaalu iluatsittumik atulernerqarsinnaappata, qularnanngitsumik siunissami sipaaruteqartoqarsinnaassaaq.

Allaffeqarfiup oqaaseqaatai

Maannamut suleriaaseq annertuumik allanngussanngilaq. Taamaakkaluartorli karseqarnermut naatsorsuuserinermullu malittarisassatigut ilanngussanik qarasaasiatigut suliaqartoqartalersinnaallunilu innersuussisoqartalersinnaanissaa pingaaruteqarpoq.

Taamaakkaluartorli allatigut nakkutilliilluartariaqarpoq. Tamatuma kingunerisaanik aqutsisut nakkutilliilluarnerusariaqarput, assersuutigalugulu ataqatigiissumik ajunngitsumik ingerlasoqarnersoq nakkutigisarlugu il.il. Iliuutsit taakku misililluarneqartinnagit ingerlalluartinngillu ilanngussanik qarasaasiatigut suliaqartoqalteranilu innersuussisoqartassanngilaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini suliaq suliarivaa.

Innersuussut

Kommunalbestyrelsimut akuereqqullugu innersuussutigineqassaaq,

Qeqqata Kommuniani karseqarnermut naatsorsuuserinermullu malittarisassanut ilanngussassaq akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Qeqqata Kommunია: karseqarnermut naatsorsuuserinermullu ilanngussaq – ilanngussat 15-it takussutissiarlu



Imm. 17 Kommunip pilersaarusionerqarnera – 2011-mi pingaarnertut aaqqissuunera

Journalnr. 16.03

Tunuliaqutaq

2012-imiit 2024-imut kommunip pilersaarusionerqarneranut siunnersuusiornissamut tunngavissaq allaffeqarfiup maanna suliarileruttorpaa. Taamaattumik illoqarfiup kiisalu nunaqarfiit kommunimi pingaarnertut aaqqissornerqarneranni ilanngutassatut naatsorsuutigisanik tunngavissat takussutis-siartaa saqqummiunneqarpoq.

Maleruagassatigut tunngavissat

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Takussutissiap imarai, pilersaarusionermermi periusissaliornermut atatillugu innutaasunik ataatsimii-sitsisarnermi Maniitsumilu aluminiumik aatsitsiviliornissaq pillugu tunngavissanik oqallitsitsinermi oqalliserineqarsimasunit katersorneqarsimasut, tunngavissallu allat takornariaqarnermut, aatsitassar-siornermut, uuliasiornermut gassimillu qalluillunissamut tunngasut inuutissarsiornermi ineriartortit-sinissami tapertaalluarsinnaasutut isigineqartut.

Tamatuma saniatigut inissialiornermi akulikinnerusunik nutaamillu eqqarsartaaseqarluni sanaartor-nissamut 70 N-imit saqqummiussanit isumassarsianik katersisoqarnikuuvoq.

Aningaasaqarnikkut allaffissornikkullu kingunerisinnaasai

Kommunip pilersaarusionerqarnera inaarutaasoq Qeqqata Kommuniani nunaminertamik atugassii-sarnermi avatangiisinilu qanoq atuisarnissamut allaffissornikkut suliaqartarnermi ataatsimoortumik nutaatut tunngavissiisaaq.

Qullersaqarfiup oqaaseqaatai

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfiup nalilerpaa, siunissami pingaarnertut aaqqissuussinermi ilanngutassani tunngavissatut ilanngunneqarsinnaasunik pingaarutilinnik saqqummiussat imaqartut, inuutissarsiuutigummi ineri-artortitsinissami periarfissiilluartunik naleqqussakkanik taamaalilluni imaqalissaaq. Soorunalimi pilersaarusionermermi atortussanut tunngasut suliarinerini tunngavissanik allanik arlalinnillu ilanngus-sinissaq pisariaqalersinnaavoq, taamaaliornissarlu 2011-mi aggustip 11-a tikillugu ingerlasinnaanera naatsorsuutigineqarluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap innersuussutigissavaa, saqqummiussaq eqqartorneqassasoq, kommunillu pilersaarusionerqarneranut siunnersuusiornissami ingerlariaqqinnissami tunngavissatut akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Sisimiunut nunaqarfinnullu kajumissaarutigineqassaaq innuttaasut suleqatigiiffiini pilersitsisoqarnissaa.

Ilanngussat

1. Kommunip pilersaarusionerqarnerani pingaarnertut aqqissuussaanera oqallisissiatut saqqummiunneqarnera

Imm. 18 Assartuussineq pillugu isumalioqatigiissitap isumaliutissiissutai

Journalnr.

Tunuliaqutaq

Assartuussineq pillugu isumalioqatigiissitap Nuummi 2011-mi apriliip aallaqqaataani tusagassiortunik katersortitsinermini isumaliutissiissutini saqqummiuppa. Isumaliutissiissut tamakkiisoq qallunaatooq www.transportkommissionen.gl-imi atuarneqarsinnaavoq, kalaallisuuvalu saqqumminga-jalerunnarsilluni.

Tamatuma kingorna Assartuussineq pillugu isumalioqatigiissitami siulittaasoq Christen Sørensen aamma Ineqarnermut, Attaveqarnermut Angallanermullu Naalakkersuisoq Jens B. Frederiksen 2011-mi apriliip 28-ni Qeqqata Kommuniani Sisimiuni innuttaasunik ataatsimiisitsipput.

Ineqarnermut, Attaveqarnermut Angallanermullu Naalakkersuisup Jens B. Frederiksen-ip Qeqqata Kommunianik ataatsimeeqateqarnermini siunnersuutigaa, Sisimiuni umiarsualivik pillugu piaartumik suleqatigiisitaliortoqassasoq, taamaattumillu tamatuma malitsigisaanik Naalakkersuisup 2011-mi apriliip 29-ni allakkamini eqqaallugu, suleqatigiisitap suliassaata aallartinneqarnissaa 2011-mi maajip 6-ini pissasoq naatsorsuutigineqartoq.

Maleruagassatigut tunngavissat

Assartuussineq pillugu isumalioqatigiissitap Naalakkersuisut isumaliutissiissummik suliakkiissuteqarneratigut pilersinneqarpoq, isumaliutissiissutillu imarisai arlaqartut Naalakkersuisunit, Inatsiartunit, Kommuninit allanillu malinneqarsinnaallutilluunniit malinneqassanngillat.

Pissutsit atuuttut

Assartuussineq pillugu isumalioqatigiissitap arlalinnik innersuusiornikuuvoq. Qeqqata Kommunianullu attuumassuteqartuni pingaernerit tassaallutik.

1. Mittarfiit
 - a. Nunatta qitiusumik mittarfia Kangerlussuarmittoq Nuummut nuunneqassasoq – Kangerlussuup (pinngitsaaliissummik) matuneqarnissaa piunasaqaataassappat
 - b. Dash 7-it atorunnaarsinneqarpata timmisartullu teknikkikkut ineriartortinneqarneratigut allatut pingaarnersuisoqarneratigut, Sisimiuni Maniitsumilu mittarfiit 1199 meterinngorlugit imaluunniit Maniitsumi 1000 meteriinnarmik tallineqartariaqalersinnaasoq.
2. Aqquserngit
 - a. Sisimiut Kangerlussuullu akornanni aqqusineq inuiaqatigiit aningaasaqarnerannut akilersinnaanngimmat aqqusinniortoqartariaqanngitsoq.
3. Umiarsualiviit
 - a. Sisimiuni Umiarsualiviup allineqarnissaa inuiaqatigiinnut imminut akilersinnaassagunartoq, taamaattorli iluanaarutissartai ersarissamik uppenarsarneqarsinnaanatik, taamaammallu Sisimiuni Umiarsualiviup allineqarneratigut iluanaarutissartaanik nalilersuisussamik suligasuartussamik suleqatigiisitaliortoqarnissaa siunnersuutigineqarluni.
 - b. Alcoamik pilersaaruteqarnermut atatillugu Inuussutissarsiornermut Suliffeqarnermullu Naalakkersuisoqarfimmit Maniitsumi umiarsualiviup allineqarsinnaanera pillugu misissuisoqarmat Assartuussineq pillugu isumalioqatigiissitap misissuiffiginikuunngilaa



- c. Umiarsuarnik imarpikkut ikaartaatinik tikinneqarsinnaasumik nutaamik coantainareqarfimmik umiarsualiviliortoqarneratigut inuiaqatigiit aningaasaqarneranut malunnaatilimmik sinneqartoorutaasinnaansoq, taamaattumillu Nuummi Qeqertat-ni umiarsualiviliortoqassasoq
- d. Suliassat umiarsualialivinnut tunngasut kommuninut tunniunneqarsinnaanera isumaliutigineqartariaqarpoq, taamaattumillu suleqatigiisitamit tamanna nalilersortariaqartoq, sukumiisunillu innersuusiorlutik

4. Umiartuussineq

- a. Sinerissami isorartoqisumiumiartuussineq imminut akilersinnaanngilaq, sapinngisamillu piaartumik atorunnaartariaqarluni.

Aningaasaqarnikkut allaffissornikkullu kingunerisinnaasai

Assartuussineq pillugu isumalioqatigiissitap innersuussutai malinneqassappata, nuna tamakkerlugu takornariaqarnikkut isertitaqartarnermut (pingaartumik Kangerlussuarmi Ilulissanilu), alisakkanik avammut tunisisarnermut (Sisimiunnit avannamut) minnerunngitsumillu inuutissarsiuutigut siunissami siuarsaanissamut kinguneqapilutsitsisinnaavoq.

Suut tamarmik Nuummut eqiterunneqarpata qularnanngitsumik kinguneqapilussaaq, takornariaqarnermi aalisakkanillu avammut tunisassiorneq annertunngillat kiisalu sila allanngorarpallaartarluni.

Kangerlussuaq pinngitsaaliisummik matuneqassappat Qeqqata Kommunianut ajornartoortitserujussuassaaq, taamaammat kikkut tamat oqartussaaqataanerannut il.il. akerliuvoq, naak inuiatigiinni pisinnaatitaaffik Namminersorerullutik Oqartussat 1979-imi eqqunneqarneratigut ilaasussaagaluartoq. G60-politikkip eqquteqqinneratigut nunarput annertuumik uteriartutut isiginarsinnaalluni.

Kangerlussuup matuneqarneratigut soorunami Kangerlussuarmi innuttaasunut ajornerujussuassaaq, ilaatigut pinngitsaaliisummik nuutsinneqassammat, Assartuussineq pillugu isumalioqatigiissitarli naapertorlugu aningaasatigut taarsiivigineqassanngillat taamaattorli allami inissaanik tunineqaannassallutik. Kommunip innuttaata sinneranut aamma kinguneqaataassaaq, Nuuk nunatsinni qitiulisappat timmisartukkut angallanneq akisunerulerlunilu allanngorarpallaalissaaq.

Umiarsuarmik assartuussineq eqqarsaatigaluguttaaq, Nuummi nutaamik angisuumillu umiarsualiviliorneq ajornartorsiuutitsilissaaq. Tamatumanimi kilisaatit, umiarsuit takornariartaatit uuliamik piler-suineq il.il. Aasiaat Nuullu akornanni talissinnaaneq ajorneri eqqarsaatigineqarsimanngillat, taamaalillunilu uagut immikkoortortatsinni aalisarnerup, takornariaqarnerup uuliasiornerullu iluani pitsaasumik siumukarfioruttortoq annikillisinneqassalluni.

Allaffeqarfiup naliliinera

Qeqqata Kommuniata Assartuussineq pillugu isumalioqatigiissitap siusinnerusukkut isornartorsior-nikuaa, Nuummeersuinnarnimmi Danmarkimeersuinnarnillu ilaasortaarneq illuinnaasiorpallaaqimmat kiisalu Assartuussineq pillugu isumalioqatigiissitap takorluukkamini assigisaannilu inuutis-sarsiornermut tunngasut ilanngussimanngimmagit.



Allaffeqarfiup nalilerpaa, Assartuussineq pillugu isumalioqatigiissitap isumaliutissiissutaata isornartorsiuneq tamanna tamakkiisumik eqqortissimannikkaa. Taamaalilluni aalisarnek takorna-riaqarnerlu pioreersut assersuutigalugu Kangerlussuarmi Ilulissanilu sunniutaasut Assartuussineq pillugu isumalioqatigiissitap isumaliutissiissutaani ersersinneqarput. Taamatutaaq aluminiumik aatsitsiviliorinissamik pilersaaruteqarnermi aatsitassarsiornermilu naatsorsuutigisatut ineriartornissaat kisimik nassuiarneqarput, nalilersuinerli naatsorsuusiorterlu ilanngunneqarsimanatik.

Pissutsit matuma siulineq nassuiarneqaraluarlutik Assartuussineq pillugu isumalioqatigiissitamit ilanngunneqarput, matumani nammineq isumartik malillugu taamaassorinninnerit arlaqartut erser-sinniarnaruinnarlugit.

Assersuutigalugu Assartuussineq pillugu isumalioqatigiissitap ilimagaa, Kangerlussuarmi innuttaasut sinerissap sinneranut nuunneqarneratigut, kommunip Kangerlussuarmut aningaasartuutai ukiumut 9,3 mio. koruunit sipaarneqarsinnaassasut, silalli ajorneranik patsiseqartumik aningaasartuutit ukiumut 9 mio. koruunit pallingajaannartassagai.

Assersuutigalugu Assartuussineq pillugu isumalioqatigiissitap ilimagaa, Nuummi putorsualiornerit km-imut 89 mio. koruuniinnarnik akeqassasoq, taamaattorli Assartuussineq pillugu isumalioqati-giissitami ilaasortaq Inuplan-imeersup Maniitsumi illoqarfiup ineriartortinneqarneranut atatillugu putorsualiorinissaq km.-imut 130 mio. koruuneqarnissaa missiliorsimavaa. Nuummi 10 km.-isut takitigisumik putorsualioritoqassappat, Maniitsumi putorsualiorinissaminngarnit katillugu 410 mio. koruunimik akikinnerussaaq.

Assersuutigalugu Assartuussineq pillugu isumalioqatigiissitap ilimagaa, Kangerlussuaq pinngitsaa-liissummik matuneqassappat, sinerissami inissianut nutaanut inuit 2½-ikkaarlutik inissinneqassapput, uffali Nuummi nutaanik inissialiornermi inissiami inuit marluinnaasussatut aalajangerneqarsimasoq.

Assersuutigalugu Assartuussineq pillugu isumalioqatigiissitap ilimagaa, Sisimiut Kangerlussuullu akornanni aqqusiniliassaq piviusunngortinneqassappat, Sisimiut Kangerlussuullu akornanni timmi-sartuussineq ingerlatiinnarneqassasoq, soorlulu aamma Kangerlussuarmi umiarsualiveqaannassasoq. Sisimiut Kommunitoqaata angallannermi aqqissuussinermini aqut ataasiinnaasussatut 2003-mi ilimasuutiginiikuuaa, Assartuussineq pillugu isumalioqatigiissitallu missiliuussaasut pingasoqiusaa-tinnagu. Sisimiut Kangerlussuullu akornanni angallanneq pingasoqiusanngorlugu aqqissuussineq tamanut imminut akilersinnaanaviannigilaq, taamaattumik aqqusinniornissamik pilersaarummut missiliussat atorsinnaanngillat.

Assersuutigalugu Assartuussineq pillugu isumalioqatigiissitap ilimagaa, ukiuni tulliuttuni 20-ni Nuummi umiarsualivimmuq eqqussuineq ukiumut 2,6 procentimik qaffariaateqartassasoq, avammulli annissuineq/tunisat ukiuni tulliuttuni 20-ni 1,5 procentiinnarmik qaffariaateqassanganneqarluni. Imminut akilersinnaasumik aningaasaqarneq eqqarsaatigalugu avammut annissuineq/tunisat eqqussukkaaniit qaffasinersusussatut isumaqarfiginaraluarpoq, taamaaliornikkummi niueqatigiinnermi amigartoorutaasinnaasut pakkersimaartinneqassammapput.

Aatsitassanut Attaveqaqatigiinnermullu ataatsimiititaliami suliap suliarinera

Aatsitassanut Attaveqaqatigiinnermullu ataatsimiititaliap maajip 10-ani 2011-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 17-ani 2011-mi ataatsimiinnermini suliaq suliarivaa. Allaffissornikkut suliaqarsimasut suliaat pitsaasoq Aningasaqarnermut ataatsimiititaliap naammagisimaarpaa.

Innersuussut

Kommunalbestyrelsimullu akuereqqullugu innersussutigineqassaaq,

Assartuussineq pillugu isumalioqatigiissitap isumaliutissiissutai ataatsimoortut itigartinneqassasut, pissutigalugu

- Inuutissarsiornermi ineriartortitsinissamik qitiutitsinngimmat
- Nuup avataani pissutsinut ilisimasaqanngimmat
- Nuummut iluaqutissaannaq pillugu annertuumik isummersuuteqarmat

Aalajangiineq

Innersuussutigineqartoq akuersissutigineqarpoq.

Ilanngussat

1. Assartuussineq pillugu isumalioqatigiissitap isumaliutissiissutaa www.transportkommissionen.gl-imiittoq (qallunaatuuinnaaallartoq)
2. Assartuussineq pillugu isumalioqatigiissitap inerniliussai innersuussutaalu.
3. Ineqarnermut, Attaveqarnermut Angallanermullu Naalakkersuisup Jens B. Frederiksenip allagai, 2011-mi apriliip 29-aneersut.
4. Borgmesterip 2011-mi maajip 6-ini Sermitsiami atuartartunut allagaa.
5. Assartuussineq pillugu isumalioqatigiissitamut ammasumik allakkat.
6. Jens B. Frederiksenip allagai maajip 18-ani 2011-meersut.

Imm. 19 KANUKOKA-mi aallartitassanik nutaanik toqqaanissaq

Journalnr. 00.06.01

Tunuliaqutaq

KANUKOKA-p oktobarip 28-ni 2010-mi immikkut ittumik ataatsimiinnerata kinguneranik malittarisassanik nutaanik akuersissuteqartoqarpoq, taakkulu siulersuisunit januaarip 13-ni 2011-mi atuut-tussanngortinneqarlutik. Ilanngussatut ilanngussami allannguutit takuneqarsinnaapput, tassa sungaar-tumik titarneqarsimasut.

Malittarisassat nutaat kingunerissavaat, ukiut sisamakkaarlugit ataatsimeersuartoqartalernissaa, tassa kommuninut qinersisoqareernerata kingorna. Taamaattumillu tullianik ataatsimeersuarnissaq aatsaat 2013-imi kommuninut qinersisoqareerpat pisussaalluni, immikkut ittumik ataatsimeerusaqqu-si-soqanngippat.

Tamakku saniatigut aallartitassat amerlassusiisa allannguutissaat akuersissutaalluni. Tamanna Qeqqata Kommunianut imatut kinguneqassaaq, borgmesterip saniatigut marluinnaat aallartitatut peqataasinnaassasut. Siusinnerusukku Qeqqata Kommunian pingasunik aallartitaqartaraluarpoq, tassa borgmesteri naatsorsuinermi ilaatinnagu.

Taamaattumik KANUKOKA-p marsip 11-ni 2011-mi allakkamigut kommuninut qinnutigivaa, massakku siulersuisunut ilaasortaasut aallartitatut ingerlaannassanersut isummersoqqullugit.

KANUKOKA-mi siulersuisut aallartitaanngitsullu, taaseqataasinnaajunnaarnikuupput oqaaseqar-sinnaatitaaginnarlutik, malittarisassat § 8-aat takuuk.

Regelgrundlag

KANUKOKA-p malittarisassai § 5, imm.1:

”Kommunit sisamaasut borgmesterii sisamaasut aallartitatut katersuuttartunut aalajangersimasumik ilaasortaapput. Taakkua saniatigut kommunalbestyrelsit kommunalbestyrelsinut qinersisoqareersimatsiarpat aallartitassamik 1-imi qinersisassapput. Taassuma saniatigut kommunimi innuttaasut amerlassusiisa 10.000-inik aallartitsineri tamaasa aallartitassamik ataatsimik qinersisoqassaaq. Tamatuma peqatigisaanik kommunalbestyrelsit aallartitat sinniisussaannik qinersissapput.”

Pissutsit atuuttut

Qeqqata Kommunian KANUKOKA-mi pingasunik aallartitaqartarpoq. Karl Davidsen, Evelyn Frederiksen aamma Katrine Larsen Lennert.

Karl Davidsen-ip kommunalbestyrelsimiit 2011-mi juunip naanerani tunuarneranut atatillugu, KANUKOKA-mi aallartitaqarnikkut sunniuteqarsinnaaneq equngassuteqalissanngilaq, tassa suleqati-giinnissamik isumaqatigiit (Atassut aamma Siumut) marlunnik aallartitaqarmata illuatungiliuttullu (Inuit Ataqtigiiit aamma Demokratit) ataatsimik.

Taamaattumik aallartitassatut toqqarneqareersimasut taakkuinnassanersut, imaluunniit allannguute-qartissanerlugit kommunalbestyrelsip aalajangissavaa.

Qinigaaffiup atuuttup iluani ataatsimeersuarnissamut aallartitatut aggersaanissat, aatsaat immikkut ataatsimeersuartitsisoqassappat pisinnaassaaq.

Aningaasaqarnikkut allaffissornikkullu kingunerisinnaasai
Kinguneqaateqassanngilaq.

Innersuussut

Qullersaqarfiup kommunalbestyrelsimut innersuussutigissavaa, KANUKOKA-mi ataatsimeersuar-
nermi aallartitassatut toqqagaasimasut, Katrine Larsen Lennert, Inuit Ataqtigiit aamma Evelyn
Frederiksen, Siumut taakkutiinnassanerlugit oqallisigissagaa.

Aalajangiineq

Katrine Larsen Lennert, Inuit Ataqtigiit aamma Evelyn Frederiksen, Siumut ilaasortaaginnassasut
akuersissutigineqarpoq.

Ilanngussaq

1. KANUKOKA-p marsip 11-ni 2011-mi allagaqaataa.

Imm. 20 Kommunalbestyrelsimiit tunuarniuteqarneq

Journalnr. 01.01.03

Tunuliaqutaq

Kommunalbestyrelsimut ilaasorta q Karl Davidsen maajip 23-ni 2011-mi allakkatigut Kommunalbestyrelsimi ilaasortaanerminut tunuarniuteqarluni allagaqarpoq, tassa Nuummi suliffissarsisimagamik nuuttussanngorlutillu. Qeqqata Kommuniani Kommunalbestyrelsimiit juulip 1-ani 2011-miit tunuarnissaq qinnuteqaataavoq.

Malerugassatigut tunngavissaq

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsiartut inatsisaat nr. 10, 31. oktober 1996-imeersumi § 50, imm. 1-mi allaqqavoq: (qinersinermi inatsit)

"Ilaasorta q qinigaaffiup iluani kommunalbestyrelsimiit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaanilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq."

Pissutsit atuuttut

Qinersinermi inatsit naapertorlugu nalinginnaasumik qinikkatut sulinissaq ajornakusuulertussaammat qinnuteqaat akuerineqartussaavoq. Karl Davidsen-ilu kommunimut allamut nuuttussaammat qinnuteqaat akuersaartariaqassalluni.

Karl Davidsen Atassutip qinersinermi allattuiffia tunuliaqutaralu qinigaavoq, piffissalli ingerlanerani partimiit partimut allamut Siumut-mut nuunniikuulluni. Partiimik tunuliaqutaqarluni qinigaasima-gaanni, qinersinerup inernera qinersinerup naanissaata tungaanut naalagaasussaavoq. Taamaattumil-lu sinniisussaq Atassutip allattorsimaffianiit tiguneqassaaq, allattorsimaffillu malillugu Godmand Rasmussen sinniisussatut siulliulluni. Taamaattumik Godmand Rasmussen kommunalbestyrelsimi juulip 1-ani 2011-miit ilaasortaalissaaq.

Aningaasaqarnikkut allaffissornikkullu kingunerisinnaasai

Kinguneqaateqassanngilaq.

Innersuussut

Qullersaqarfiup kommunalbestyrelsimut akuereqqullugit innersuussutigissavai:

- Karl Davidsen-ip kommunalbestyrelsimiit 2011-mi juunip naaneranut tunuarniutaa akuerineqassasoq, kiisalu
- Godmand Rasmussen 2011-mi juulip 1-aniit kommunalbestyrelsimi ilaasortaalissasoq.

Aalajangiineq

Ulloq juunip 16-at 2011 aallarnerfigalugu Karl Davidsen ilaasortaaajunnaassasoq Godmand Rasmussenilu ilaasortanngussasoq akuersissutigineqarpoq.

Ilanngussaq

1. Karl Davidsen-ip maajip 23-ni 2011-mi allagaqaataa
2. Siinniisussat nalunaarsorsimaffiat

Imm. 21 Ataatsimiititaliami ilaasortassamik nutaamik sinniisussaanillu toqqaaneq

Journalnr. 01.01.03

Tunuliaqutaq

Karl Davidsen-ip kommunalbestyrelsimiit tunuarniuteqarmat qinersinermi suleqatigiit, Siumut Atassullu qinnuigineqassapput, ataatsimiititaliamut il.il. ilaasortassamik sinniisussamillu kommunalbestyrelsimut akuereqqullugit innersuussuteqaqqullugit.

Maleruagassatigut tunngavissaq

Kommunit aqunneqarnerat piullugu Inatsartut inatsisaat nr. 22-ip, 18. november 2010-meersumi § 37. imm. 1-imi allaqqavoq:

”Piffissaq qinigaaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalernerqassaaq.”

Pissutsit atuuttut

Nutaatut ilaasortassatut tulliuttuni toqqaasoqassaaq:

Aningaasaqarnermut ataatsimiititaliaq

Teknikkimut avatangiisinullu ataatsimiititaliaq

Nutaamillu sinniisussamik uunga toqqaasoqassalluni:

Aatsitassanut Attaveqaqatigiinnermullu ataatsimititaliami ilaasortamut Søren Alaufesen, Atassut

Innersuussut

Qinersinermi teknikkikkut suleqatigiit, Siumut Atassullu, tulliuttuni kommunalbestyrelsimut toqqa-gassatut akuereqqullugit innersuusuteqaqassapput

Ilaaortassaq nutaaq:

Aningaasaqarnermut ataatsimiititaliami

Teknikkimut avatangiisinullu ataatsimiititaliami

Sinniisussaq nutaaq:

Aatsitassanut Attaveqaqatigiinnermullu ataatsimititaliami ilaasortamut Søren Alaufesen, Atassut.

Aalajangiineq

Aningaasaqarnermut ataatsimiititaliami, Teknikkimut avatangiisinullu ataatsimiititaliami ilaasortatut kiisalu Aatsitassanut Attaveqaqatigiinnermullu ataatsimititaliami ilaasortamut Søren Alaufesenimut sinniisussatut Godmand Rasmussen toqparneqarpoq.

Ilanngussaq

1. Ataatsimiititaliani ilaasortat allatorsimaffiat

**Imm. 22 Oqaluuserisassatut siunnersuut – Qeqqata Kommuniani atuarfinni tamani
mamakujuttut sodavandillu eqqunnissaasa inerteqqutaalernissaat**

Journalnr. 51.00

Tunuliaqutaq

Kommunalbestyrelsimi ilaasortap Karl Lyberthip, Qeqqata Kommuniani atuarfinni tamani mamakujuttut sodavandillu eqqunnissaasa inerteqqutaalernissaat pillugu siunnersuut kommunalbestyrelsimi oqaluuserisassatut maajip 24-ani 2011-mi e-mailikkut nassiuppaa.

Karl Lyberthip siunnersuumminut tunngavilersuutigaa, Kommuneqarfik Sermersuup siunniussaa mamakujuttut sodavandillu atuarfinnut eqquteqqusaajunnaarnissaat isumaqatiginaqimmat isumasarsialsialattullu isigigamiuk, taamaattumillu kommunalbestyrelsimut siunnersuuteqarluni meeqqat pitsaannerusumik inuuneqarnissaat siunertaralugu.

Isumaqarlunilu kommunalbestyrelsi naqissusiisariaqartoq atuarfinnut mamakujuit sodavandillu eqquteqqusaajunnaarnissaat pillugu, tassami mamakujuit sodavandillu inuunerinnerulernissamut iluaqutaanngitsut nalunngereeratsigit.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Ilinniartitaanermut Kulturimut Sunngiffimmullu ataatsimiitaliami suliarisassanngorlugu ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Karl Lyberthip maajip 24-ani 2011-mi e-mailerutaa.

Imm. 23 Tamalaat

Godmand Rasmussenip, kommunip allaffiani ullut tamaasa erfalasup amuneqartarnissaanut siunnersuutaa, borgmesterip akissuteqarfigaa. Ullut tamaasa erfalasoqartassanersoq allaffissornikkut nalilersuiffigineqarumaarpoq.